

299

曹氏宗譜  
字彙








虞門曹氏宗譜卷二十一

三十世孫志賡續修

三十一世孫說霖輯錄葆仁

文獻錄上

夫人之懿行惟道德文辭顯於世為不朽也吾祖先  
之行實稱述者多儒宗如楊龜山先生父子焦先生  
干之余狀元中張忠獻郡守周簡惠葵 凡文簡袁邱  
文定崇以下及吾諸祖自著在當時莫不詳備去今  
已遠散失者不可勝數茲掇拾載籍并舊存錄益以





族屬名筆與夫所自製者列爲上中下三集分別收錄名曰文獻足徵者庶在斯乎

宋故十八評事墓誌

府君諱維正字正之其先姑蘇常熟人自王祖儔徙居江陰生延福延訓延祚延訓君之王考也君昆弟五人君幼怙失恃家饒於財君長竭力事其叔父叔父愛之故不以家與子而獨委君君始終無秋毫私後有間君於叔父者君悔之曰吾豈可使人疑哉因固請於叔父與其子弟儻屋居外里中有與叔父有隙者因說君口訟於官可分其





家之半君曰吾少育於叔父恩未報忍言訟耶說者慙而退鄉人聞之莫不歎爲長者叔父憐君貧與之財固辭不受戒其子曰爲我具蔬食致升酒足矣其廉介蓋天性然也如是家居四十年足不至城府口不言財利不以否泰利鈍動其心古所謂安貧樂道者君其得之歟治平三年七月十七日捐館舍享年八十有二以其年十二月廿二日壬寅卜葬於化龍鄉遷鶯里黃壟之原與夫人繆氏合兆子三文琇文雅文彧孫九人礪確矜碩礮礪礮礎確之幼而讀書也君嘗曰吾無望於女惟我死爲銘其墓及



確爲主簿於溧陽也辭拜於床下曰終於此不復見也其  
聽乃翁之言愛民而已矣嗚呼以確之不肖蚤夜追思大  
懼無以顯揚吾祖之德載其一二言行以示子孫俾誌之  
不敢忘焉

紹興己亥十二月壬寅

賜進士第承事郎試秘書省校書郎守杭州於潛縣令充  
國子監直講孫男確謹識



宋故曹公墓誌銘

公諱文琇字用之姓曹氏常州江陰人也公質直而仁與人交獲一言之善念之終身不忘有害於義必面質之不留憾也平居樂善客至不問有無雖窘甚意常豁如也樂與之盡歡宗族故舊之貧者必勉力周卹之家世不仕公始命諸子學而仲子確文章名于世嘉祐登進士第熙甯八年詔除國子監直講而公來京師以九年三月廿九日卒年七十有七疾革呼確而言曰予事雖無足誌嘗念道惟心造士之志於道者未嘗不來復其貞而動爲物轉每



喪其志于造次顛沛之間嗚呼若公之言雖疾不亂可謂  
知所復矣夫人蔣氏生四男礪確砢是年十二月二十  
日葬于江陰之化龍鄉遷鶯里興隆之原屬原以銘銘曰  
善乎吾從不善吾非篤行自躬惟仁是依訖以所聞直宅  
之歸我銘不誣尙發德輝

賜進士出身兵部侍郎寶文閣待制括蒼龔原撰



宋故曹公復之墓誌銘  
公諱復之字文雅姓曹氏常州江陰人也君之父維正高  
尚不仕晚年把酒論文頽然無復問人間事  
故內外諸務皆藉于君君悉力經置不爲一毫私卒致饒裕考妣既喪  
君謂其姪直講君曰近世風俗日薄父母亡未幾而析居  
異籍朝同氣而暮楚越子孫不立其衰敗都不可保吾今  
聚族雖眾慎勿爲浮俗析居計將以其田爲義田以其財  
爲義財凡族之人日有食歲有衣嫁娶凶葬皆仰給焉庶  
幾後世無有失所者直講君曰文正范公之遺法也叔父




能行之不亦善乎遂力贊其事以成直講君君伯氏子也  
以行義文章名聞四方君之勉勵居多故其成就如此公  
善處事馭煩若簡接人以禮不以耆年自處雖後生小子  
皆與均禮拜跪藹如也元祐五年八月十一日壽終前一  
日沐浴正衣冠色不少弛家人環泣君曰死生常事汝曹  
何足駭屏去之危坐而化享壽七十有二是年十一月庚  
寅葬於縣之化龍鄉黃山之原娶任氏先卒子二人曰碩  
礎皆舉進士第孫男四人琪璪璉一未名銘曰善豈無報  
報不在邇弗逮於躬必貽孫子子孫誥誥有立疑疑君社




所施其在於此

秘閣修撰樂安蔣







Faint vertical text columns, likely bleed-through from the reverse side of the page. The characters are difficult to decipher due to fading and the texture of the paper.



宋故國子監直講公易公墓誌銘  
君諱確字公易生平篤志強學於六經之言無不探討精  
義以求所謂治身行己之道下至老莊列禦寇尸申韓諸  
子之書亦必推詳壺奧以求會通故其孚於中而應於外  
視榮辱利害窮通禍福之來恬然不加憂戚於其心至于  
遇事接物其氣和其色平不與物競其引進後學愈叩而  
愈不竭不倦其于朋友不苟合必誠愛責善而表裏始終  
如一其居官則理煩治劇刻苦不少懈其出處去就必擇  
義可否與之議論今古治亂革弊扶危奮節解紛應變皆



思慮審熟較然晝然無不該徧嗚呼古所謂大醇而無小疵者君無愧焉君以嘉祐四年登進士第爲温州司法參軍江甯府溧陽縣主簿又爲池州石埭令于上官不合解去旣而以養親復受杭州於潛縣令未行會朝廷有知君者薦上特擢爲國子監直講授職丁父艱以歸又兩月卒於家年四十有三熙甯九年九月二十日也以是年十二月二十葬於縣之化龍鄉遷鶯里興隆之原所著有書易論語孟子義其他經解數十卷歌詩古文數千篇藏于家守官所至有惠政雖鄰郡邑皆曰有德君子也及歸自石



埭居閑講學四方之士從之至太學聲聞益顯一時賢士  
稱道望慕而願與之交方謂君宜大行於世而君竟永訣  
矣悲夫余與君同郡居太學又同僚也知君之素行因爲  
之銘曰志崇而不爲高行同而不爲隨孰瞻其光孰屈其  
持天相厥德曷不遇其世其存不亡是謂不毀  
賜進士狀元及第翰林院修撰余中撰








宋故右通直郎曹公墓誌銘  
左朝請大夫通判饒州曹連狀其先叔父通直之行泣訴  
於晉陵張守曰先伯父直講公學行名東南負笈執經履  
相踵戶外時叔父羈卯侍坐竊聽講論問答皆默識不少  
遺直講奇之後遂力學多問議論有先輩風數試進士不  
合則刻意治生產先大父委以家事治居第園館延賓客  
無虛日賑貧恤孤士之緩急叩門有請必給付及貴顯忘  
之不復顧念而叔父絕口不言也宣和間浙西制水利司  
部聞公才挽爲屬既至見其謀畫乖舛力辭去從事後悉



坐法公獨不與公之明決類如此才不大用賚志以歿士大夫聞之無不嘆惜予與通直昧生平因連再三請乃敘而銘之公諱礎字潤浦建炎元年以其子球升朝封承事郎又以球轉官累贈通直郎以紹興五年四月十七日卒享年七十有五娶朱氏封安人子三長球武翼郎前浙路都巡檢使次琚次瑤皆應進上舉孫十人岨嶧峒嶧嵩崗岑岐岳岳七月壬辰葬於縣之順化鄉黃山村與夫人合兆銘曰維德有基維學有師有德不施天惟顯思昌其本支衍其壽社黃山之郵琢石鑄詞萬世是貽



資政殿大學士左中大夫提舉臨安府洞霄宮南陽郡開  
封國男食邑一千一百戶賜紫金魚袋張守撰右承奉郎  
樞密院編修鄒炳書以文行知名於時









宋故曹公子華墓誌銘

君諱璪字子華故贈朝請大夫碩之子也君之先世俱隱  
德不仕至君之世父確以文行知名於時朝請公困塲屋  
遂屏世累君亦累舉不伸相其兄治生業資其弟以力學  
後家日益起而弟璉名進士通門籍君與有力焉君爲子  
而孝爲弟而恭爲兄而友中外無間言性坦易不爲畦畛  
與人言洞見肺腑遇人不以貧富貴賤爲厚薄晚益閒曠  
以詩酒自娛終日兀如也靖康元年四月癸亥卒享年五  
十娶趙氏甚賢淑子一人曰嶠舉進士孫一未名以是年



七月壬辰葬於化龍鄉黃山之原乃爲之銘曰積善在躬  
壽胡不多天寶爲之命也奈何瘞銘新阡其永不磨

朝奉大夫充徽猷閣待制提舉西京嵩山崇福宮賜紫金  
魚袋楊時撰

宋尚書左丞兼御史中丞知開封府事  
楊文舉字子華姑饒州常大夫爵之千  
石孫之決世也

宋尚書左丞兼御史中丞知開封府事



宋怡怡處士自銘墓誌

連姓曹字汝器江陰人也兩與常州鄉舉大觀三年賜進士出身歷中外官十任其間五經陞擢前後自陳宮觀凡七次寄祿秩三出特轉一因子封爵綴諸侯官視列卿爰田開國錫服錫金有宅有產皆受先遺奏子任孫澤及後人未三十而出仕既七十而退休官不爲不達福不爲不厚壽不爲不高但生平無行業以顯於時無功勳以報於國無文詞以傳於世身未殞而名先滅矣生於元豐之壬戌卒於紹興之丁丑葬於昭聞鄉崇橋村啟山之麓附妻



之域也吁可憐哉

文同... 而... 矣...

不... 業... 却...

人... 不... 不...


田... 金... 子...

小... 三... 官...

士... 中... 升...

數... 曹... 器...

宋... 士... 墓...





宋故曹君仲山墓誌銘

君諱嶠字仲山江陰人也父璪與弟司封員外郎連同遊  
學校有聲累舉不遇適之先君子嘗與之遊喜其胸中坦  
易不爲畦畛其沒也爲之誌其墓初先君子寓毘陵從學  
者甚眾君方弱冠慕之負笈來門下以父命請婚於適之  
女先君子嘉其好德之意許之君篤於先君之學得家集  
悉能記誦故其志操不苟涉獵文史通曉經典雖獨力不  
克治生未嘗廢學居家謹禮節不習踰侈中年家稍饒治  
第宅開園圃一以教子爲事曰吾之困躓屋場不敢言命




實學有未精耳汝等各宜勉旃無以家事擾其心一於肄業可也孝於親左右就養爲人質直於物無隱情親故之絕不憚賙卹余素拙於謀生仕祿微薄日用不足君知其窘貲給之免求於人君之力也不學佛老自有識趣勉其子曰龜山先生汝之外曾祖工部汝之外祖吾素遵其教誨未嘗忘汝曹皆當慕其人師其學其所以望之者遠矣紹興十八年八月十九日卒年四十七娶適之女有警戒相成之道子五人曰木機模榘槩皆力學有文應進士舉自古積德之慶不在其身必在其子孫觀諸孤念親之盡



哀異日必有副其望者孫男三人以十九年六月庚申葬  
昭聞鄉定山之原銘曰根固葉茂源淵流長積德之慶子  
孫其昌銘以紀實其傳有光

右宣教尚書員外郎楊通撰









宋故右朝請大夫沅州太守伯達公墓誌銘

君諱岍字伯達故任左中奉大夫致仕江陰開國男累贈  
光祿大夫璉之子也公少奇穎明六經之旨尤深於書諸  
史百氏無不手抄口記舉進士不第建炎二年光祿遇郊  
祀恩奏補將仕郎授左廸功郎於潛縣主簿改差監處州  
麗水縣君溪政務又三年授盧州觀察推官改差監潭州  
南嶽廟陞任建康府錄事參軍當路競薦改京秩改知盩  
國縣丁妣昌元郡夫人葛氏憂不赴服除轉知蘭溪縣縣  
負山民俗勁悍號難治君化以德人不忍欺有效官府判



牒治僕者僕竊其牒持訴公公曰僕告主甚害風教卽依  
主所判斷遣之告訐之風以息未幾光祿守釐法當引避  
充福建路常平司幹辦公事丁外艱服除賜三品服知錢  
塘縣時朝願度牒以濟經費府分諸色科民間他令皆從  
事公獨以煩擾辭府帥不然又詣臺諫言之極切至臺周  
公操嘆爲仁人君子之用心爲之申明得減乃已租賦先  
嚴貴室縉紳爲之蹶蹶年餘通判楚州任滿會朝堂議吳  
人守蜀公首被選知昌州賜三品服上殿陳三事一乞於  
江西等處造船以給水寨二乞降鐵錢與會子流通三乞



許品官子孫其得祖父限田頃數上首肯之昌爲郡僻遠  
公下車悉其人情風俗昔錢糧之給軍兵者皆於民取辦  
有賢漕使慮民不堪令以本司當以熟鐵錢代之繼之者  
欲踵前習公貽書執不可漕怒公申諸司自劾漕始聽從  
後按部曾過洞鑿肺腑釋然相歡廩藏無贏吏俸莫能盡  
給公令自下而上次第支請故已俸尤不及時屬吏悅公  
之先人後已率甘寂寞無怨者部學頽廢公爲整輯廓大  
又歸以田士肄業有所是歲登進士第者五人乃建五桂  
樓與向之三華閣對峙以示文風之盛也時境內旱乾親



禱龍潭雨隨車至其年麥秀兩歧參知政事王公炎宣撫  
川蜀奏公愛民戢吏約已奉公如團結廂禁兵制軍器不  
擾而辦上喜特轉一官制詞有曰使分土而守者悉如爾  
等朕尙何憂又曰更戍來歸再議褒賞及受代邦人借留  
不獲乃肖公像刻諸堅珉以慰無窮之思作贊記以述盛  
德赴闕奏對請優恤鹽戶以固昌州財貨之本昌舊有瀘  
敘長寧二郡保寨之兵雖名二百而番卒實無幾公乞於  
一路均差冀收實效改降知沅州陞辭復陳數事皆當今  
便利也抵家踰月而終享年六十有二娶魯氏贈安人先



卒男二人曰椿通州靜海縣主簿次日榛孫男二人尙幼  
公沉默廉明精於吏事非義不取出蜀之日惟以碑刻行  
雖藥物一無所挈事親以孝著居喪茹蔬三年築室墓右  
榜曰終慕遊讌翰墨真草隸篆自成一家大榜豐碑以得  
公書爲幸精力素強以赴昌州往返萬餘里經涉遠途又  
郡事久弛一旦整集百廢具修勤勞成疾遂致云亡不克  
大用人咸悲惜之乾道癸巳六月初一日卒以是年十月  
乙丑葬於縣之綺山

姪木謹撰



心世養氣...

...

...


...

...

...

...

...





宋故左朝奉郎監尙書六部門曹君宗山墓誌

君諱密字宗山左朝奉大夫始開國男諱璉之子也篤學  
遵道至性純孝居恭人葛氏喪荼食居外三年不入私室  
至正奉沒則廬於墓側以終喪朝夕勤苦披荆棘夷邱壟  
見者咸謂之孝思不匱也則平時之侍養無方正奉嘉之  
特榜其室曰戲彩益有徵矣自紹興八年登進士第以身  
許國無不以惠民爲己任江陰以廢郡屬毘陵令民間出  
丁鹽錢代產稅無定額倍征公特請於帥府僅存什二又  
本軍爲臨安認納和買紬絹而民苦殊甚君爲投叅政劄



子請捐入之三又本軍在浙西地勢卑下連年淹沒民多  
流徙君爲投知軍劄子請其申明執政疏通申利二港水  
患頓息君利益於鄉人者類如此君在建康邊事方警國  
家日以大臣鎮陪都日與幕客軍師講明戰守之畧君時  
主教席視其有不便者輒以書論援引古今至累千萬言  
其憂國忠憤發於至誠不能自己至于朝廷議論苟有所  
聞亦必悉摭已見而進說焉當路者壯之故有部門之除  
及到官六曹二十四司之事無不精細宰相方上其名以  
與輪對之選遽以疾不起惜哉享年五十有六娶李氏先



卒贈安人男五人格楫相桂林皆以義方之訓彬雅有文  
卒之夕命吏草牘而將事焉身後纖悉靡不區處曲當而  
遂翛然逝矣其爲文敏而工所著述效晉王筠居官有茗  
溪集鍾山集抱關前後集又註論語十篇其說皆自得者  
嗚呼有文行志操如是而命乃不副天道其可必乎以明  
年正月己丑祔葬縣之昭聞鄉啟山先正奉之原岨略述  
其大槩而銘諸墓

從兄岨謹識







宋故秀州錄事參軍次律公墓誌銘

公諱嶰字次律中奉大夫江陰開國男累贈光祿大夫璉  
之幼子也父命爲伯兄嗣初補將仕郎歷官至秀州錄事

參軍在職二年半以疾卒時淳熙五年閏六月二十八日  
也公天資淳厚樂於恬淡不事華飾兄嶼早亡生理主於  
嫂氏公自飲食衣服外一無所需及析居則棄出內籍不  
問接物一於和易睦婣任卹之誼薰襲宗族居官裁處精  
謹人多奔競公獨恭恪至國事艱危猜釁易起他官懼禍  
巧避公當之了無怨色郡將深信其人方病在告日遣价




問安公素樂泉林乘機請納祿又爲衿惜故遲其奏暨部  
郡使者將薦改聞訃音嗟嘆累日不能置蓋見其始終如  
一心誠好之也公束髮耽嗜文藉至與薦漕臺齟齬南宮  
不復爲程度拘束之文益博聞廣記尙論古今凡得於心  
著於口者要皆有不可磨滅之概因總歷代事跡成圖以  
便觀覽焉屬續之先喪具兆域每事預備不累後人視死  
如歸非達者歟娶臨川王太師魏國公安禮之孫山陽太  
守模之女備德內助閨門雍肅男二人杓杓皆應進士舉  
孫男一人澹將以十月甲午祔於縣之昭聞鄉公甫庄之



先塋木與公幼相習長相隨學相資因悲公之賚志以歿  
涕泣而敘其生平藏諸壙中庶千載後有嘉公之誠敬者  
勿替引之也

姪木謹識









宋故左朝奉郎通判饒州巨山公墓誌

文

文

文

文

文

公諱峒字巨山右朝請大夫球之子也紹興八年進士  
初授徽州司戶參軍以下外艱不赴服除授鎮江府教授  
任滿主管江西路轉運司改官不赴隨辟東京東路招討  
司幹辦公事尋丐罷賜五品服差知宣州太平縣任滿主  
管台州崇道觀後通判饒州此公之歷任大略也分自幼  
聰敏每讀一書必精思求其旨趣而聖傳道要於七篇中  
得之證諸經理無不合古說春秋褒貶之外說周易發爻  
象之微一經解義藏于家可傳也性極渾厚而言行肫篤



居家愉怡雍睦無家人嘻嗃之悔居官寬容慈惠有豈弟  
君子之風歲在己巳逆亮渝盟犯邊節度使李寶駐兵海  
上謀泐海道趣山東念移書蜚文非公大手筆不可力請  
譔檄公因極道國家仁澤之洪深夷虜憑陵之可憤中原  
之民久思王化歸其時矣開論詳切有以激忠義之情故  
舟師甫屆而刼脅之伍投戈請降焚戰艦數百凱旋行賞  
報功特授左宣教郎誥詞有云膠西之捷其亦峻矣邊籌  
羽檄聞藉爾能幕府之第功宜陞於京秩命下而竟引退  
其避榮養素類此後任饒州歲餘偶疾卽移文請老月餘



在寓遇元夕猶作詩多篇有生放置度外聊復此微吟之  
句一日戒諸子曰汝等事母當盡孝處兄弟當以和守家  
宜節儉臨事宜小心勿徇人欲而昧天理能如是吾瞑目  
無憾矣是夜卒於官舍實乾道癸巳閏五月二日也享壽  
六十有二娶丁氏封孺人子四槩槩築果皆應進士舉諸  
孤涉江護喪歸將以十月壬寅葬於昭聞鄉由里山之原  
屬木敘本末刻石納壙中嗚呼木受叔父訓誨有年矣今  
而後質疑解惑將誰依其忍銘其墓耶感泣勉書文幾不  
能成也







宋故承事郎魯山曹公墓誌銘  
乾道丁亥袁分教江陰將行湍石喻先生謂余言郡有賢  
士曰曹魯山期於古之成立者盍往見焉袁首訪公傾蓋  
如生平自是紬繹古今洞於觀火恨相見之晚也居亡何  
余來都城後二年魯山亦赴官嚴州每得書問無恙外蠅  
頭滿紙皆憂國愛君之言若將施於用者上官聞公賢爭  
欲交薦之忽報公死莫不恨惜公之姪高郵司理參軍木  
旣狀行事其孤柄詣余告曰吾父不幸不耀於生前當不  
沒於身後敢泣請銘袁職在太史凡士之一善一能皆當



紀錄矧知公最稔又何敢辭公諱嶧魯山其字也世爲江  
陰人祖礎父球皆未顯仕自公伯祖確伯父璉以學起家  
有重名公與其兄峴從兄審姪木機榘相繼登科家學之  
盛譽誼一時邦人表其所居坊曰叢桂以比燕山竇氏公  
穎悟刻苦讀書始從楊龜山遊後又從范陽張公盡其傳  
以歸於書無所不通而尤邃於易故見道真是非取舍不  
能惑信道篤而窮達得喪截然不以干其意性尤靜退澹  
然自適初釋褐調建康府江寧縣主簿不赴乞監南嶽廟  
家居與子姪講論比古今疑義無不瞭如指掌朝廷知其



賢除教授嚴州學教迪諸生規矩森然範以禮義士化其  
行而服其嚴壬辰歲六月十六日忽謂其子曰今日我疾  
作殆將死矣強扶舁見郡侯語移刻猶步月中庭區處後  
事教其子所以處世立身者笑語不異平時遂就寢條然  
而逝享年六十公貌古神清文章典雅喜論天下事條別  
利害絲分縷析所著時議等書識者以爲達于治體平居  
不妄言笑對妻子如遇犬賓內睦兄弟外盡朋友無不出  
以至誠貧者賜卹之死則收瘞之男女之曠怨無計婚嫁  
者代爲成就之至於臨事明決井然不爽故鄉里宗族凡



有大務無不待公而決嗚呼公可謂質美而學醇使得施  
於當世其建白當何如也而僅止于是豈非天哉其孤以  
其年十一月十九日葬公於郡之昭聞敵山之原配陳氏  
有賢行大府事丞剛中之女也子柄挺挺能守家法銘曰  
德則邵兮位不充才則優兮命不逢吁嗟于公啟山崇崇  
有鬣其封納諸幽宮以昭無窮

乾道壬辰十一月

左承奉郎秘書省著作郎兼國史院編修實錄院檢討權  
吏部郎官兼太子侍讀禮部尚書尤袤撰



宋故宣教郎平江府錄事參軍去非公墓誌銘

君諱木字去非江陰人祖操父嶠皆不仕公隆興初中進

士第授右廸功郎廣德軍司戶參軍再調高郵軍司理參

軍又舉爲從政郎平江府錄事參軍以宣教郎致仕卒年

五十六實淳熙六年六月十四日其十年二月七日其子

潤葬公於昭聞鄉敵山之原君爲人純茂內恬外和喜讀

書所論著得古今事理在廣德能勤其官及高郵益自勵

察獄以情所論多傳古義不專用文法郡中稱平監司察

君能舉爲平江錄平江獄訟十百他郡君如高郵時獄訟



悉清無一寃滯又職理財賦累千鉅萬君稽其出入無毫  
髮姦府守嘉歎帥諸司薦諸朝會君以疾丐守留之不得  
抵家未幾而卒母楊氏夫人龜山先生之孫女誨子有法  
君自少習聞龜山之訓故行已蒞官源流有自云君所著  
書有春秋及六韜論又有互論十篇攻守要覽二十篇皆  
切世要娶王氏大司郎中岡之女子二潤鄉貢進士澗早  
卒潤愿恪而文未可量也銘曰孰使之行孰尼其止莫喻  
厥理惟君有子是類是似尙復其始  
賜進士第朝奉郎主管建甯府武夷山冲佑觀邱崇撰



宋故右廸功郎洪州教授方叔曹君墓誌銘

右廸功郎洪州學教授曹君卒後二十年其子浚喪母見  
余泣而言曰先君不幸早世至今墓未有銘潛德不彰浚  
罪大矣予應之曰余視子先人爲甥自垂髫同席硯長益  
相知昔者沒予哭之慟今子以墓銘見屬予何可辭君諱  
渠字方叔幼警悟讀書五行俱下經史百家無不探其淵  
奧爲文明哲純粹光輝日新遊太學聲名籍甚老師宿儒  
皆引重之登紹興三十年進士第初省試以避親在別所  
奏號而君與兄機居其二人以爲二難焉君益自勵試教



官復高等授洪州教授既而感疾卒寶紹興三十三年四月十八日也享年三十有一是年五月二十四日葬于黃山之原君早孤與兄木弟機模概等俱卓然自立事母孝病方革屢言吾死不恨第貽母憂奈何爲人質直議論剛正不肯詭隨臨事閑暇迎刃而解職者以遠大期之豈意其止此也悲夫娶陳氏奉議郎主管台州崇道觀邁之女有賢行子二人曰陽節早夭曰浚業進士孫男一人君之終也男女皆幼今男有室而女有家繫陳夫人之力用能不墜其家云銘曰寶鼎登於太廟兮將陳而裂騏驥騁乎



天衢兮方駕而蹶嗟夫君兮漢終軍唐長吉

紹興三十二年五月

奉議郎充淮南東路安撫司主管機宜文事賜緋衣魚袋

楊森撰





九年五月二十

俱卓然自

何為人質直議論剛


而解職者以遠大期之覺意

陳氏李誠邸主管台州崇道觀海之文

奉齋泚衣並南東州安縣匠主管縣宜文事以縣太漁裝

臨興至卡三滄正民有室海女有家繁陳其人之力用能

天澌合衣照而瀾瀾夫孫谷冀然軍謀疑古裂麒麟騁乎





宋故福建路市舶提舉司爵朝奉大夫誥封左朝散大夫  
勅贈金紫光祿大夫渙之曹公墓碑銘  
公諱溱字渙之姓曹氏豐姿秀偉端嚴敏悟少常往來鷺

湖鹿洞間與閑諸君子緒論淳熙初由邑庠貢入太學試  
銓部授處州麗水主簿轉杭州臨安丞累遷福建路市舶  
提舉司兼提舉常平茶鹽爵朝奉大夫所部肅然廉能之  
聲甚著開禧改元丞相府稔公幹濟才欲引置府下公卽  
託疾辭職纂輯宗譜以守先待後樂臨安湖山之勝遂寓  
居焉日與知己優游詩酒凡二十載以子鏞覃恩封誥左



朝散大夫配梅氏封恭人公卒於寶慶三年七月恭人先

公卒公卒之二十有六年公孫址尙魏郡長公主

國家推恩三代敕封公爲金紫光祿大夫恭人贈永甯郡

夫人焚黃祭告爰伐石而系之以銘銘曰學聞性道仕著


賢能引疾辭職知幾其神吟風弄月花柳俱春纂修譜牒

貽厥子孫維公之阡故里虞門豐碑紀實以顯幽魂

左丞相謝方叔撰

敕封金紫光祿大夫前寶謨閣直學士左朝散大夫康永

宋封郡伯男市鑄立石





宋駙馬都尉金紫光祿大夫山陽侯進封江國公曹公墓

誌銘

駙馬都尉曹公者澄江之虞門人也姓曹氏諱址字天基

其先出自周文王子振鐸封於曹後以國爲氏代有聞人

五季時有諱儔者自金陵避地常熟後檜江陰因占籍懷

仁里之虞門遂爲江陰望族曾祖熙隱德不仕祖溱任福

建提舉司寓居臨安父鏞紹興進士歷官寶謨閣直學士

權知建康府母繆氏於理宗端平元年四月二十二日午

時生公於臨安寓舍公生而岐嶷左足下有黑痣生黑毫



曹氏... 卷三  
一莖引之長可八寸豐神朗逸博涉經史善屬文年未弱  
冠卽深自斂飭究心理學都中士大夫翕然稱之淳祐十  
二年理宗皇帝爲魏郡長公主擇配諭外內臣工子弟有  
才貌者咸以名聞公時年十九在選中台輔勳戚及中貴  
審視皆奇之禮部以公名奉上召入掖庭陛見全太后點  
頭曰佳婿也宣旨命儒臣訓習禮文勅造駙馬第於東長  
安門外命左丞相謝方叔主婚三月旣望上親告太廟行  
禮卽日賜駙馬都尉階金紫光祿大夫爵封山陽侯誥封  
三代曾祖檜祖溱父鏞如其階曾祖母陳祖母梅母繆皆



一品郡夫人長公主皇后謝氏所生時年十八博書史精  
翰墨事舅姑如家人禮謙和恭肅與駙馬公甚相得也是  
時南北釁開國勢日削公以身居國戚不忍隱默嘗因錫  
宴宮中從容言於帝曰今元人侵據中原啟土開疆日逼  
江漢其焰熾於遼金出師內犯靡有底定天朝僻處一隅  
僅得偏安王業中原無主正上天爲民擇君之時皇上宜  
夙夜祇懼以祈天永命不宜一息稍懈也上然之又曰正  
心誠意修齊之本用賢去奸治平之本當今事莫大於恢  
復務莫先於選將練兵而至急者莫大於擇相上不能用



度宗卽位進封江國公五子俱蔭官爵時權歸賈似道國  
是日非公志不得伸燕居太息與公主左琴右書訓諸子  
朔望朝請而已國祐改元太后臨朝公益危懼知勢不可  
爲挈公主家口還鄉於宅西修建天福院公主朝夕焚修  
以報國恩焉公自歸里後恂恂如書生於鄉鄰宗族曲有  
恩意尤敬禮文士約束家人故能晦迹免難後七年公主  
辭世公自爲誌銘葬後巷東潭上又二十一年公辭世子  
五人曰煥之蔭補殿前都統制曰烜之左監門將軍曰爍  
之殿前都指揮曰耀之左金吾侍衛將軍曰燦之胄監正



皆公主出燿等將以公合葬於公主之兆以公行狀請余  
銘余昔在臨安曾蒙青顧銘烏可辭銘曰天道難諶陵谷  
變遷龍潛則吉夔屈無愆秦樓已墮蕭史何言而今而後  
和鳴紫煙

同邑儒士俞奕曾仲山氏撰



是非公亦... 皇恩... 王...

明聖朝... 太后... 公...

為孝公... 上... 日... 西... 天... 廟...


同邑... 論... 士... 會... 竹... 山... 其...

麻... 葉... 雙... 雙... 雙... 雙... 雙...

雙... 雙... 雙... 雙... 雙... 雙... 雙...

雙... 雙... 雙... 雙... 雙... 雙... 雙...

雙... 雙... 雙... 雙... 雙... 雙... 雙...





宋故貢士澹軒曹公墓誌銘

咸淳六年二月十六日貢士澹軒曹公卒嗣歲二月甲寅  
葬於昭聞鄉敵山之陰其孤大有哭再拜乞銘於予予曰

余固知爾先人之素履正直自守不墜先業者也聞其卒  
甚惋悼之烏得而不銘澹軒諱革字改之髫年以詩賦與  
鄉貢莊室公諱約之子也自幼勤敏讀書一覽卽通悟爲  
文出人意表不肯一字蹈襲酷好講明朱子四書節序祀  
先皆按朱子家禮性剛毅不苟合接人必肅容正色端立  
拱手如嚴霜烈日之不可犯也時郡守有肆虎狼之暴以



濟其溪壑之欲者人方畏其聲焰搖手重足而不敢發言  
公時爲郡學諭朔旦講書援季康子問政一章顯譏直刺  
聞者縮頭而公色愈莊聲愈厲不爲少懾守卒愧赧而不  
敢加譴郡博士季公應龍素知公端潔命爲直學乍勉就  
卽力辭季公強留再四毅然不可人曰世方逐鹿公獨棄  
屣何也公曰計會財穀非我素志何以久爲晚年力於教  
子凡讀書作文之法立身行己之要朝夕告戒未嘗倦後  
因公田事爲挾勢者所排憂憤成疾爲詩曰四十八年虛  
度了我于生死片雲輕妻兒勿更勤醫禱血肉初非鐵鑄




成疾革乃歎曰人有生必有死乃其常事吾處之泰然吾  
無功業於世喪葬宜從儉吾心甚直若誌墓但言吾直足  
矣呼其妻子囑以後事井井有條囑已瞑目而逝享年四  
十有九娶王氏子二鼎生早亡大有兩與貢補銘曰剛大  
之氣善養以直淑人君子斯世儀式敵峯岩嶄是於公之  
室既固且安子孫其逢吉

咸淳七年仲春

廸功郎滁州司戶參軍靳玉成撰



... 參軍...



... 其...

... 其...

... 其...

... 其...

... 其...

... 其...



宋故子文府君行實序  
伯兄諱礪字子文考文琇妣蔣氏生子四人兄其長也未  
冠卽有仁孝聲父好閒雅厭世務兄竭力承志以供子職  
又力贊仲兄確攻苦學業登進士第歷官國子監直講無  
何父卽世而仲兄亦早卒門衰多釁家日益落兄拮据卒  
瘠幹事井井母夫人寢疾彌延躬調湯藥造次無違母終  
哀毀骨立鄉里籍籍以孝稱於時仲兄遺孤有垂髫男一  
人女二人兄泣而指示嫂湯孺人曰吾父母與仲兄繼喪  
此皆吾與嫂責也一有弗庇能弗得罪於地下之靈乎嫂



亦泣如兄言以衣以食以誨以廸以聘以字恩禮曲盡厚  
於已子既而男有室女有家又推父所遺產盡讓與弟姪  
自往申浦居焉至愛出於性成無所強也至於自奉約與  
人周雖巧詐欺取之亦不校聞磁艱苦必惠卹之乃已命  
子姪力學俾之純其功不以他習累心而少懈故多成就  
生平未嘗效世俗蓄銖寸私爲子孫計終始所營惟以奉  
其親厚其孤惠其弟姪而已鄉里咸稱之非磁一人之私  
言也政和五年己未冬十二月十四日享壽八十有七卒  
之日飲食起居如常至晡則翛然逝矣元配湯氏繼配卜



氏先卒合兆於來春鄉懷仁里虞門之別墅子三長玘早  
卒次瑗季熙與薦貢孫十一人曰仁靜仁壽獻明仁宅直  
溫直清五未名卒于之明年十二月十二日將啟其母之  
封而合窆焉諸孤泣告曰吾父生平惟叔父知之最悉乞  
一銘俾後人有所考而不泯磁聞之而泣拜以誌

弟磁拔淚拜撰



子既而... 父以遺產

在申蒲... 至於百...

人... 詐其取之亦不... 弟... 弟... 弟...


子... 翰... 翰... 翰... 翰...

性... 而... 而... 而... 而...

盛... 而... 而... 而... 而...

卒... 而... 而... 而... 而...

大... 而... 而... 而... 而...





宋故中奉大夫江陰開國男食邑三百戶賜紫金魚袋仲  
尹曹公行狀

公諱格字仲尹江陰人祖璉左中奉大夫賜開國男食邑  
累贈光祿大夫父密左朝奉郎監尙書六部門公資稟端  
重岐嶷如老成人甫習句讀必請問求解光祿公奇之長  
益好學於經史百氏手抄口記無不該貫乾道中進士第  
銓中優選授左廸功郎主和州烏江主簿朝廷屯田照契  
據還民間而阡陌疆畝移易已久又有撥賜北軍及歸正  
人者參錯其間訟訴紛然公建白帥府乞申明於朝得旨



據頃畝多寡額數隨地打量給還一切不以舊疆爲拘訖  
事無敢爭者漕使張公士元行部見公裁決平允以練事  
勤職薦調台州臨海縣丞依山瀕海港浦久淤斗門不修  
瀦池備缺歲因薦饑邑人請於郡以公經理之不擾而辨  
漑田十餘萬頃至今類之故相葛文定公時居禁從手翰  
貽公有士大夫來浙東者具談美政興修水利所濟甚溥  
之語蓋紀實也初張忠獻公制閩金陵朝請公與唐公仲  
友同爲幕客論邊事契合因命公兄弟受學唐公門唐公  
守天台公丞貳屬邑以辦治稱唐公薦以京剡會倉着朱



公熹訪唐公有疑公受知於并唐肆攻詆者捕鞫吏曹掾  
撫無所得朱公亦悟卒獲保全識者謂公小官遭謗表裏  
自潔益信公平日操履矣任滿陞資政郎調靜江府參軍  
究犴獄務盡仁恕多所平反安撫經歷詹公儀之言治獄  
者盡如曹公天下無寃民矣數蠲俸爲飲食醫藥以惠繫  
者憲使熊公飛孫公紹遠與詹公交口論薦解任赴省改  
宣教郎知臨安府錢塘縣錢塘視諸州縣最繁劇前宰號  
強敏者率日不暇給公在職遇光宗受禪時供億應辦事  
叢十倍他日公區畫得宜綽有餘裕縣有積負板緡錢萬



計前後合以虛額相承上司不時督責邑以因憊公力請於帥府悉捐之政平事省一歲中以空告者不下數四蓋錢塘所未嘗有也覃恩授通直郎又以年勞輔奉議郎尙書張公杓卽舉以所知故相謝公深甫嘉公廉白力爲汲引轉承議郎通判安豐軍事歲適荒旱自安豐達於浮光濠梁流殍載塗外台檄公賑公救檢梃吏姦務施實惠全活甚衆轉朝奉郎以主上龍飛恩授朝散郎用賞典轉朝請郎除知柳州柳歲比不登公私窘罄自春徂夏不雨者數月公夜露中庭旦夕步禱羣望數日而霖雨至歲以大



稔明年復旱公不替初誠亦護嘉應時廣部苦大祲柳江  
獨連稔或進遏糴之策公曰吾境素苦乏錢而他郡適艱  
食通其有無亦吾境之利也郡藉鬻鹽給百費率以十分  
之七歸外臺而三留州前此使山谷之民遠入城市例請  
稽留鹽皆壅底不售官俸兵廩率不時給公命僚吏之幹  
敏者發鹽貯墟市逐日售之周而復始公私兩便支給以  
時屬當大比行視貢闈圯漏特甚時率三歲飭民編茅架  
竹取具苟且吏因緣爲擾公慨然曰取士以惠民今顧厲  
民以取士耶與其三歲一擾曷若一勞永逸乎經始閱月



曹山志卷三  
而堂宇廡序垣墉閤備焉良匠材能規模宏壯遂爲廣  
郡貢闈之甲既又增修學舍考覈課程祭物禮器煥然精  
雅如浙閩間矣任滿入對論國錢貨耗廢而海道蘭出之  
禁不嚴多所漏泄且如倭舶物貨昔止以布疋貿易近歲  
惟取會子番商所得會子外國無用聞奸民竊載銅錢入  
海交通牙獐與胡賈相期於海門黃家塢去處低價易楮  
估銅惟多欲飭申嚴禁令於黃家塢嚴緝巡察又論度牒  
之值入百緡他州易於措畫請者固多二廣物輕錢重此  
數難辨故廣中淄黃例不請買止於州郡給帖爲據議臣



建請一切毀抹則併郡帖不清而私爲僧道者無復限制  
乞別立廣南僧道度牒量立價值二百緡使之便於取買  
惟許於廣南受度出廣不用因嚴其私爲僧道之禁又言  
廣郡以選人避差僉判行倅貳之事官卑職重循理者鮮  
乞剗革其弊上皆開納時海道泄銅之患朝廷未及知公  
首發其議卽爲施行除提舉福建路市舶轉朝請大夫先  
是商舶至岸哨吏遏抑抽解不以時率視餽納多寡爲先  
後公至下令先責海門石湖小兜巡檢具入港日月爲次  
第預期曉諭革去一切攙壓那移之弊商賈稱公貨物無



曹山先生集卷三  
壅者初宗子師淡挾番商漏舳乳香乾沒之貨倚南外知  
宗爲援莫敢詰問公檄泉守鞫訊淡首納贓銀數百兩知  
宗欲爲營解越申憲司移送他郡獄未及竟而言者論公  
與宗司交惡罷去旣而憲考得實正師淡之罪而知宗亦  
罷矣乃上丐祠家居者數年朝廷惜其才差知岳州制詞  
有曰爾所敷歷綽有休聞一言蔽之矣轉奉直大夫當赴  
任入對建言國家廣鬻理選之爵則流品雜而官益冗僧  
道之牒則浮末滋而民愈困惟不理選之爵可廣鬻以濟  
用而請買者絕少蓋以制度不立富民雖不受爵而冒上



僭等莫之或禁願畧倣漢氏民爵之制爲文爵十級如上  
中下文學助教不理選將仕通仕登仕之類武爵十級如  
校尉副尉諸將班行之類與夫人之封號冠帔分爲數等  
而稍輕其值以售之立之定制使富人之室廬輿馬衣服  
器用僮婢皆視其爵之高下而差等之過是必罰因舉漢  
制及仁宗朝尹公洙所請以行之驗詳言之又言朝廷以  
楮輕錢重多方稱提而錢如故臣守柳時見廣中官司妄  
譔名色將崇觀宣政建炎紹興乾道等錢棄而不用者其  
名有十曰矮脚曰白面曰螺掩曰檐架曰斷梁曰筴籬曰



破缺曰漏塵曰擁腫曰不歸民間輸納場務解發一切不用其錢妄譔十色名耳使國寶滯而不用欲乞明詔二廣帥臣監司剗刷十色錢椿積實數移入內地以革錢重楮輕之弊士知其可行玉音嘉獎時方亢旱公冒暑赴任見田疇龜坼苗將槁朽卽却暈茹素途中虔禱視篆之日一雨數寸遠近沾足人咸謂公精誠所致焉岳居上遊爲要郡邊事方殷江湖間壤標聚黨者眾他郡率爲立營計公獨謂江路防遏其利害關於此郡而形勢屬於他州其所謂潛江夾者北屬得州南接鄂岳羣盜出沒其間爲巢穴



實爲要害之處而三州巡寨俱遠今放散忠義之卒羣盜  
漸熾若俟建請於朝創制巡寨恐爲賊黨先據則噬臍無  
及矣亟請制司乞行下鄂州都統司速差兵將戍此地  
以弭未然之患制使李公天性從之聞者服公遠慮先是  
道梗賈船不至穀價騰湧自潛江置戍米舟四集飢民賴  
以更生明堂覃恩封江陰開國男食邑三百戶賜紫金魚  
袋以申雪寃獄摘發吏姦逢當事怒竟以臺評差之管建  
寧府武夷山衝佑觀以歸州人遮道攀轅失聲痛哭公在  
郡甫半載其得民心如此公旣家食優遊杖履間與宗親



曹氏... 卷三...  
飲酒賦詩爲樂歲餘感微疾卽抗章乞以本官致仕享壽  
七十有一實嘉定辛未五月初十日也初公志以儒學嗣  
家聲於古今治亂聖賢學問多所究心故蒞官臨民率以  
所學施於用天性篤孝太夫人李氏捐館時公方幼毀慕  
骨立見者哀之朝請公性嚴毅公娛養左右先意承志得  
其歡心歲時祀先率半夜起盛服齋心竟日而後將事朝  
請公遺文多所散失公搜求彙次爲三十卷號戲心堂遺  
藁鈔梓以廣其傳今大樞樓公鑰文昌戴公溪各爲序以  
副公顯親之意尤急於義靜江同僚有被劾入溪洞而死



者去家數千里弱息纍纍公悉力賑卹使得歸葬有任滿  
當改秩而舉員尙欠一剡者公言於帥府欲以已所得者  
推與之帥義其舉併發二剡公里居杜門不與郡縣事惟  
吏胥額外多取歲以萬計公慨然言於郡於監司蠲減之  
合郡賴焉生平無聲色玩好以讀書教子爲務一日命諸  
子治喪具已而沐浴盥櫛正襟危坐久之家人屏息伺之  
少頃而公逝矣先娶張氏孺人參政綱之孫女再娶霍氏  
奉直公馬孫之女皆早卒又娶葛氏知均州公祺之女子  
四人况廸功郎和州烏江縣主簿洞廸功郎建康府句容







元故嘉興路石門副司稅梅南曹先生行狀  
先生諱達觀字達卿號梅南考亨龍長饒州忠定書院妣  
郭氏公資稟夙成讀書警悟絕人幼卽擅名詞賦於章表  
駢儷尤工以明經冠江浙鄉試榜州尹盧公高其才具書  
幣禮致訓導多士先生幅巾深衣升堂講二帝三王周孔  
顏孟之道古今治亂盛衰之迹分源合流若導水然必使  
九州滌源至四海會同而後已聽者悚服如是者有年同  
知萬公下車求儒佐治甫食祿丁歲荒上命賑公按戶覈  
寶胥吏莫敢欺民咸感其實惠未幾遷鉛山州躬閱案牘



小大悉理有寡婦數月輒改嫁官漫勿省以無養爲辭先  
生力爭風俗教化繫於此餓死事小守節事大俾守制終  
喪給其食輿論允愜鉛山邇閩襄山水秀拔暇則登臨吟  
嘯常過草萍驛題壁有殘日帶虹深澗赤過雲飛雨濕山  
青之句翰林宋聚見之嘆賞不已錄於行囊泊宋寓於鉛  
亟請見縱設竟日恨相識之晚也求近作數十篇將薦諸  
朝握手不忍別兩循例筦行用庫楮法旣均閭閻甚便再  
考會松江楊守以儒者加重每事必咨先生感知已持身  
益廉遵法益慎使副太平倉料量平會計當農窳獲甦奸



究克剗期年復入府幕府轄華亭上海兩邑租糧億動厥  
田上下水瀛滂縮民歲苦之值華亭訴滂令楚恭懼水漕  
摺抬弗爲理先生將掌其事正色曰民爲邦本令爲民父  
母令不子民惡在爲令水漕惜邦本豈忍厲之耶責親履  
畝具實曾憲覆核無違蠲米民病得瘳郡有田沒官者上  
撥賜丞相歲遣使徵先生送以詩期爲蒼主蘇息終護除  
免心乎愛民類如此後轉授嘉興路石門副司稅以疾致  
仕卒所撰詩文數十篇皆雅馴可法先生生於至元十六  
年己卯十二月一日卒於至正十三年癸巳十二月十三




日壽七十五配徐氏婦儀壺範備具男一人大治殖學善  
文不墜先業孫男一人永安是年是月十八日祔葬黃山  
先兆之側先生家素貧妣喪棺槨不具或勸從儉先生痛  
泣曰禮雖云稱家有無然以貧故而使吾母土親膚心何  
忍耶他日或得祿仕噬臍何及矣書券置木杪哀束修以  
償考因跌仆傷足十年不出戶庭侍養甘旨罔缺優遊自  
適入十二而歿先生携子廬墓之終喪鄉里咸稱其孝焉  
嗚呼事親之孝也律已之端也文章之粹也吏牘之敏也  
奉上之忠也恤民之勤也知止之早也如先生者不誠宜



載諸簡冊貽諸子孫以垂不朽哉

門生西秦沈業謹狀

挽梅南先生劉堦



叢桂坊前夜月明空教鶴怨與猿驚後生久已懷先達吾

道於今惜老成春遠石門詩句古

公嘗過石門草萍驛留警聯為翰林宋聚稱賞

風高梅

屋夢魂清賢郎能繼箕裘業已向明時令名



頁上六言  
卷三

又不知其姓名... 是年正月十八

先生之側先生家素貧... 其誠懇

且思其精實... 其業日久而


益微... 門精... 古  
善州自林宋渠... 不嘗... 門草... 觀留 風高

遠... 門空... 與... 人... 武...

... 門... 西... 業...

... 門... 西... 業...

... 門... 西... 業...





明故曹公孟智暨室馮孺人墓誌銘

江陰曹君孟智卒越廿四年厥配馮孺人卒其孤高等卜  
明年壬申將合葬於君之封先事謁予泣拜曰昔先君早

世時孤等孱弱故弗克藉名言以壽潛德抱恨烏能已乎  
敢拜乞銘予曰諾按狀君諱睿字孟智資稟不凡自幼有  
老成風格讀書邃求精義稍長厥考禧翁曰爾其能繼吾  
志者余倦矣爾宜荷此家事君承命勤不知勞儉忘其陋  
祀先燕賓精腆不吝順意承志侍養無方徐孺人卒哀毀  
骨立年甫三十二歲遽以疾歿人無不惋悼之時宣德戊




曹氏分譜 卷三  
申四月九日也明年己酉三月二十七日葬耐家北先塋  
馮孺人同邑夏浦人夙嫻姆訓用能誠敬事翁義方教子  
拮据卒瘝力挽墜緒夫何禧翁以僉掌區稅被誣客死白  
下家亦隨破人皆難之孺人執志彌堅卽命長子高匍匐  
往護喪歸窆埋之禮不少愆於素已而益加刻勵教子俾  
成立家道恢復如初孺人之賢洵不愧女丈夫矣享年五  
十有六景泰辛未十二月五日終子二長卽高娶吳氏次  
曰厚娶高氏孫一曰恭娶朱氏嗚呼若君夫婦之懿行理  
宜有銘銘曰才則優兮行則充吁嗟君兮命不逢甫年三



十二奄忽以終彼賢婦撫孤有立家復舊一節成身死奚  
咎虞門封塋崇若堂千莫合靈永茲藏芳名千古垂鄉邦  
嗚呼較彼生而不淑者尙奚在而奚亡

景泰二年歲次辛未冬十二月

江南承宣布政使司吳潤譔









明故義官叔衡曹公墓誌銘

成化紀元春二月十有一日虞門義官曹叔衡終於家其子旣佐等奉行狀來拜乞銘按狀公名機叔衡其字別號竹庵世爲名家代有顯仕自十世以迨五世祖址尙宋長公主官駙馬都尉其間舉進士者多人爲名官者三十人簪纓之盛冠於當世曾祖祥鳳祖伯淵父憲章皆潛德弗耀景泰間虜寇陸梁公仗義輸粟若干斛朝廷褒之榮以冠帶以賦性純厚不樂仕進以琴書娛其志以信義重於鄉跡其生平愉色婉容孝也賙卹困窮仁也撫下以恩慈




也待人以恕愛也聞譽彰於遠近斯時海宇承平久矣士大夫皆以仕爲榮或挽之出公曰幸有先人之敝廬可以避燥濕薄田可以供饘粥泉石優遊致足樂也奚以仕爲悲夫公非潛德而隱有道之士乎公生於洪武二年二月一日葬於祖塋之西新塋享壽七十有七配徐氏淑靜而徽柔子三曰慨曰佐曰佑孫九人楨祥禴禮竝慨出時濟時泰時豫時晉時益佐與佑出嗚呼公之春秋旣富德業愈修子子孫孫繼繼繩繩固由家教之美抑亦積善之報矣銘曰富不吾溺勢不吾趨行之勉勉居之舒舒卓爾祖




考世其德業閑家以則我勒堅珉子孫千億

成化元年乙酉春二月

奉議大夫浙江等處提刑按察司使按察使陳蘭撰







李端大夫鴻君等... 蘇外元平... 其滋業... 蘇外元平... 其滋業... 蘇外元平... 其滋業...



明故處士宗政曹公墓誌銘

公諱慨字宗政宋駙馬都尉址五世孫曰璣字叔衡之長子也善幹蠱孝於親友於弟百堵興焉百私易焉帑有積廩有儲調人之急濟人之貧既而奉父母命與弟佐佑產析則出居巷南爲宅四區繚之以周垣樹之以榆柳門巷阡立港塍鄣布諸子亦爭英競秀祇服厥父事至是君不獨光於前抑且裕於後比閩族黨莫不交相稱羨曰曹氏有人克家之子也夫何昊天不弔年僅五五有一遂棄人間聞者無不傷之厥配邢孺人茹水嚙檠惴惴焉訓飭諸



曹山志卷三十一  
三十一  
子日以荒墜爲憂拮据卒瘞至今三十年愈光先業宏治  
壬戌孺人卒年八十有五嘗語諸子曰吾可以見汝父于  
地下矣汝等宜刻石以表汝父之墓以慰汝父之靈乙丑  
諸子奉孺人之治命請銘予不敢辭而爲之撰次如左以  
立石于墓

宏治十八年乙丑季冬

于時... 薛憲章撰

公... 薛憲章撰

曹公墓誌



明故承事郎桂巖公墓誌銘

嘉慶章

君諱佐字桂巖叔衡公之仲子也生而岐嶷端重長于紈綺而綢幅無華拓產封殖家益饒性謙抑不與人爭人犯之不校也成化癸巳遊維揚適大禋奉詔出粟若干石助賑憲廟嘉之授承事郎以榮其身宏治壬子都御史東魯何公時巡撫南畿以歲飢募民入粟君首輸六百斛法當旌門君謝不受與人交恂恂言若不出口每羣集讌會雖不飲酒必操觚酬酢歡然以爲樂人或稱貸償不計息取盈焉并喜爲陰隲事出粟濟貧每歲增之如其年數晚以



家事分命二子不復問人間事元配周氏兩繼配吳氏子  
二時益時頤孫八人範策籥簡符筌籍節宏治辛酉七月  
戊辰年七十三以疾卒生宣德己酉正月壬申以卒之又  
明年癸亥十二月二十七日葬里之北原先塋孤奉狀請  
銘立石于墓爲之銘曰時方嶽嶽君獨踐踐時方斷斷君  
獨恂恂不比而周不黨而羣君子哉若人以裕其後昆也

時維

宏治十六年歲次癸亥冬十二月十一日

薛憲章撰



明故雪谿曹公同室單孺人墓誌銘

治城西巨族而好禮者曰虞門曹氏曹氏宗黨禮而尚義者固咸詵詵然未易一二屈指至其通融朗秀卓然能自樹立爲閭里所推重者則雪谿君其伯也君諱佑字宗弼雪谿其號宋駙馬址之曾孫曰淵洪武初以死事贈浙江指揮同知之孫曰璣君考也君狀貌魁偉襟度汪洋與二兄相友愛至老彌篤與人交終始一軌喜賓客四方名士多從之遊且善談論竟日對客亶亶不倦尤樂施與賙人之急貧無棺葬者則施棺斂成化癸巳歲饑輸粟助賑朝



曹山志卷三十一  
廷錫以璽書章服以榮之是時提督水利使吳公行陪熟  
君材能挈一縣水利事委君鑿澮溝斬菑苻謹隄防水禍  
不興連歲大稔建新溝申港二輿梁事集而民便之君生  
平之大畧也生宣德辛亥五月初九日卒宏治己未二月  
廿九日享壽六十有九配單氏道柔而行淑子四時濟時  
泰時豫時晉孫男女十有一人曾孫男女十有四人公以  
宏治辛酉十二月十七日葬於宅之西北隅祖塋孺人合  
兆謂墓碣不可無銘遂刻之以諭於後云

宏治十四年歲次辛酉冬月墓誌

張簡撰



明故賓梅曹公墓誌銘

公姓曹氏諱禴字裳之宗政公之第三子也公性簡重事  
母邢孺人侍養無違咸適其意宗政公卒兄弟同居二十

餘年相與廣田宅友愛彌篤處宗戚情禮周至撫猶子一  
如己子家固饒衣冠古樸食止麤薄若寒士然至燕賓饋  
餉享祀俎豆又極豐備卹飢寒汲汲惟恐不逮復樹義塚  
於鄉鄉之人死無歸者俾得以葬里之西南地阜人恒以  
旱爲患公出已貲買不食之地鑿溝通江水以漑由是歲  
多大穰遠近感之而公之義聲流播人間矣公貌厚身恭



士大夫見之莫不起敬無傲色雖愚陋可得而親之有不  
善公以理折罔不悔悟而樂改之遇事則明敏過人動輒  
中慮居家以詩書教子姪以耕桑課僮僕逮婚嫁畢以家  
事付二子則含飴弄孫呼酒酌客逍遙徜徉嘯傲煙霞以  
自適宏治壬戌丁母艱哀戚悲愴用是遘疾至乙丑年九  
月十一日卒卒之日領諸子語曰人生五十不爲歿吾年  
六十有二死亦何憾第祖母未葬予心抱痛焉語竟而歿  
訃聞人咸悼嘆之配馮氏繼吳氏子二長德清次德溫孫  
男三塤圻垚以卒之年十二月廿二日窆公於北原新阡



恐公潛德勿彰孤奉其狀請銘予與公交久知公賢最悉  
胡敢不誌銘曰猗歟曹氏惟義之門篤生乎公惟家之楨  
克勤克儉貽爾後昆卹匱周貧德溥鄉鄰有德弗耀宜其  
家人一堂之上孝友溫溫千載而下斯名不泯衍公之餘  
子孫繩繩勒公之賢厥石者珉

宏治十八年歲次乙丑冬十二月

賜進士第奉議大夫瑞州府同知陝西道監察御史姻生  
武進王珀撰



五... 上... 賦...

... 士... 奉... 薪... 大夫... 賦... 西... 豈... 望... 家... 賦... 賦...

... 儲... 十... 人... 羊... 胤... 炎... 子... 任... 冬... 十... 二... 日... 道... 新... 賦... 賦... 賦... 賦...


... 子... 海... 麟... 麟... 傳... 公... 文... 賈... 淵... 不... 善... 賦... 信... 用... 是... 道... 德... 平... 乙... 丑... 年... 九...

... 寒... 人... 一... 堂... 文... 士... 奉... 文... 盛... 盛... 干... 鋪... 而... 不... 禮... 咨... 不... 亦... 洽... 公... 文... 翁...

... 京... 憐... 哀... 劍... 韻... 爾... 餘... 昆... 池... 蜀... 鳳... 資... 辭... 賦... 灑... 灑... 養... 辭... 賦... 賦... 宜... 其...

... 賦... 頌... 不... 結... 綫... 曰... 益... 煥... 曹... 尹... 郵... 送... 文... 門... 漁... 主... 平... 公... 辭... 索... 文... 赫...

... 賦... 至... 醉... 辭... 賦... 澤... 應... 奉... 其... 悲... 結... 綫... 年... 與... 冬... 交... 人... 賦... 公... 寶... 歸... 悉...





明故友桂曹公墓誌銘  
有縵經踏余門者曹子元明也泣告余曰先人之葬有日  
惟先生知我先人最悉乞以銘請嗚呼是惟友桂君也余  
以姻舊夙叨惠愛文雖謏陋義不敢辭君諱禮字節之號  
友桂姓曹氏其先在宋簪纓輝耀料第聯翩不能悉書也  
世德繩繩至君之曾祖憲章復振祖諱璣以輸粟賑饑授  
官父諱慨倜儻能自立母邢氏年入袞有三垂自在堂尙  
無恙君配吳氏生子二長德馨次德修君疾革囑其二子  
惟以不克終養老母爲恨囑已而屬纊時宏治己未三月




曹山分譜 卷三  
十一日也在年五十以卒之明年庚申九月九日窆於虞  
門北原狼墩新兆君質厚而氣和與人無競少從先達李  
德嘉遊治尚書學補弟子員相兄綜家政無一毫私少孤  
事母孝事兄恭雖至作業生產幹辦出納事昆季相讓皆  
有序可稱嘗至縣公庾見有糧甲以催科累譴辱甚苦君  
諗知其以潦傷賦窘民亡無償公憫之爲代輸得釋旣而  
却其報其人太德之又嘗路見一人醉仆河下日暮天寒  
雨黑君虞其必死亟令從者掖入井亭解衣易其所污醒  
而逝究不知其爲誰也是數事皆可書之以詔其後銘曰




孝成其行友篤其敬人道之正周人于劇拯人于阨仁者  
之澤孰厚其基孰大其施天固爲之壽不副德奄忽殞沒  
鄉人之戚耶墩之陽茲惟其藏千載靈長

宏治十三年庚申秋九月

清河張簡撰







... 卷三 ... 皇山 ... 何 ... 上 ...

忠節十五 滄夷申 淋火民

職人文 淑和燦 之 幽 茲 辨 其 蕪 于 熾 靈 豈

之 對 輝 其 基 蔭 大 其 誠 天 固 為 之 壽 不 隔 離 奮 忠 賊 豈

幸 無 廷 沐 式 為 其 婦 人 並 之 五 國 人 于 陳 涉 人 于 朔 才 首



明故守軒曹公墓誌銘

公名時益字謙之宗輔公之子也生而穎敏寡言笑介然自立因號守軒性孝友色養于父勤儉克家以樂其心生

未晬而失恃語及卽垂涕篤同氣與弟時頤行必聯鑣坐必共席睽違踰日愁如調饑焉父以食指眾夥命各分綜家事獨不忍割戶者十年敬接朋友任卹宗族僮僕廝養未嘗加訶叱聲調人之急捐財如棄糝粃有司勸出粟拜官公不欲樂以韋衣終嘗膺辟主稅事賦稅均平上下愛之父耄臺寢疾和湯藥扶持抑搔晝夜不交曉越寒暑竟




勤憊而遘疾父不復起哀絕以甦逾年病革語家眾曰人  
及屬纊刺刺言後事者慮遠也吾子五尺之孤托有仲父  
信能視以猶子吾可無患獨親柩未窆雖吾弟克葬終不  
得臨其穴親封土以竭人子之哀是吾抱憾泉下也泣鳴  
嗚而逝時弘治十五年壬戌六月生天順庚辰享年四十  
有三配吳氏子三策籥符卜於卒之來年十二月二十七  
日葬於祖塋之次策前期泣拜乞銘余知公於締交是宜  
有言乃爲之銘曰裔衍設辟荷澤之源遠哉溟溟世有質  
言昭茲來許嗣服於前煥耀增華允邁其先居易無慕介




守以堅性惟孝友彝倫罔愆厥德弗彰肥遯坵園身嗇後  
豐宜慶于廷鬱乎佳城臨兮高原靡泐者石永永斯傳  
宏治十六年歲次癸亥十二月

唐沂讓







Faint vertical columns of text, likely bleed-through from the reverse side of the page. The characters are mostly illegible due to fading and ghosting.



明故雲洲曹公墓誌銘

嘉靖壬戌六月二十二日處士曹公雲洲卒其孤將以十月二十二日窆於祖塋郎阜之原前事介予友趙文光泣拜請銘予惟武進與江陰接壤稔知公行銘曷可辭按狀公名德修字元成號雲洲姓曹氏高祖伯淵洪武初以義兵死事贈指揮同知指揮生漄漄生璣璣生慨慨生禮字節之號友桂補邑庠公之考也公幼承父志讀書通大義父卒時年甫弱冠佐兄理家業日益裕性恬靜剛正衣服古樸無華延師教子督以義方不事姑息待諸子姪曾無




怒容而望之自生畏敬平心率物族黨州閭有忿爭者取  
正於公公以理論之釋然以解咸曰爲古之遺直焉兄弟  
怡愉白首無間周旋友桂軒中談論古今啣盃對飲花晨  
月夕則招賓友其之子姓以次侍左右無或曠者可謂極  
天倫之樂事矣後遭倭難近江村落悉被焚掠公率族人  
悉力禦之倭不得逞懷憤去已而出不意焚公廬公竭力  
救護卒不得掠雖門塾廳堂俱被烈焰而宗族舍宇不至  
泯焉蕩焉者公之力也公享壽七十有九配武進金氏子  
四澤填垣堪孫十有二人曾孫七人銘曰安則同樂危則



同憂蠢爾倭虜華夏爲讐式遏寇暴克莊其猷繩厥祖武  
指揮與儔

嘉靖四十一年歲次壬戌冬十月

賜進士第翰林院檢討吳可行撰









明故聽雪曹公墓誌銘

處士姓曹居江陰之虞門公諱德清字元潔號聽雪賓梅  
以其兄菊隱之仲子爲之子也隱德韜光敦龐淳樸孝于  
二親定省之儀甘旨之奉罔不由盡建祠堂備祭器四時  
烝嘗靡不竭力友于兄弟而怡怡無間言弟歿而撫其孤  
如已出常葺舊廬以棲族之流移賑卹貧乏而活鄉之顛  
連無告自奉則衣不越繪布食不厭粗糲館賓則瓊殺雜  
糜珍奇畢列槩公之行可無愧於三代之直民矣公生於  
成化庚寅十二月十二日卒於嘉靖 年十一月十三

曹氏宗譜  
卷三  
文獻錄上



日祔葬祖塋菊隱公之墓元配顧氏繼配湯氏子三垣圻  
垚又繼何氏子三臺坦土余黍娣舅相契最深不敢以固

辭因跡其生平銘之以詔其後云

取身出常君齊烈以對烈之游跡烈資薛章憲撰之願

蒸膏繼不做代吏于兄象所計計無固言策及而難其厥

二縣宝谷之菊甘旨之奉罔不由盡盡厥堂爵祭器四割

以其及漆烈之特于益之干也烈辭此煌飄部對率干

烈士批曹景玉劍之與門公籍烈常字元將烈烈雲寶計

則始繼聖曹公墓誌銘



明故少成曹公墓誌銘

余與曹公廿載交懽朋儕中最爲耐久又嘗命季子從余遊故與公日相習今季秋望後訪公於客邸於素強健忽以手摩其背作痛楚狀叩之曰偶患濕疾耳行將就醫未越月而訃音至余倉皇赴哭孤捧狀請銘余雖不文其何可辭按狀公諱一魁字汝明少成其號也祖德修生太醫院佐守成公填耆年碩德義表閭里爲賓筵祭酒者屢矣娶張孺人舉丈夫子四而公居三生而侷儻負邁往不羈之氣以世掌漕綱太醫騁馳南北庶事旁午乃棄舉業佐



理漕事時政在江陵飭整庶務檄當道刷清錢穀急如束  
濕而錢穀久爲奸蠹所乾沒未得主名有司用疑似將坐  
公償補舉家無措公奮然謂季弟養誠君曰父老矣豈堪  
對簿伯兄長厚恐不子此事獨予與汝可分任之養誠君  
趣駕走燕都叩闕申理而公留身侍左右隨機捍禦竟得  
乾沒者主名置之憲典太醫遂得白迨太醫捐館公哀毀  
骨立幾不欲生喪葬如禮性孝友痛兩兄早世與季弟情  
好彌篤奉母張孺人棲居色養有羣盜鼓噪而攻將入內  
室公恐驚老母盡棄橐中裝開門延盜入盜飽欲而去母



用得安已乃卜宅城中迎母以養者數載未幾弟養誠卒  
公兄弟四人惟公在矣時諸孤孱弱公以身擁護綜理其  
家訓之以義方爲致名師潔酒殺豐修脯花朝月夕必欸  
洽綢繆盡歡而止縣理大徭役必身先應命不以私妨公  
卽多費不少惜憫嬰兒多病嘗蠲多貲購異方成藥以待  
歲全活者以千百數縣大夫重公名行屢欲置之賓筵公  
固辭弗往也公居離城市而門外尙多長者車騷人墨客  
往來不絕公接之以禮有北海之風焉公卒於萬厯戊申  
四月十四日享壽六十有二配吳氏孺人子三人文聘文







明故布政司都事曹君養誠墓銘誌  
曹君名一解字汝元號養誠官布政司都事太醫院守成  
公之季子也悃悃不尙紛華性孝友事父母極敬奉兄嫂  
甚莊太醫以閩右長鄉賦竭蹶輸將馳驅南北是時江陵  
當道政猛於虎漕政尤束濕坐破家死者相隨屬太醫受  
註誤禍已剝床君請自當之曰大人髮種種伯仲兄當戶  
不可遠離非季莫可代役者遂北走燕市伏闕上書陳父  
冤冤竟白諸利君財者雖強禦盡縮首不敢動太醫公迨  
伯仲氏因得優遊田里仲有婺亦莫敢侮恤其緯以老伯



有孤教誨之愛如已子宗人之貧者悉捐逋以存親誼君  
之善行蓋莫能更僕數矣歲丙申盜攻寢門眾梟甚君念  
母氏耄矣雖堅壁可禦賊力鬪可擊賊倘驚吾母若何因  
趣使閉門揖盜入曰諸君所欲者財耳吾家所有任取之  
第勿驚吾母足矣盜義之不爲擾母獲無恙君業儒齟齬  
僅以字學拜官布政司都事尋有疾告歸爲諸子析箸治  
命悉了了旣革見長子文炳向隅泣召使前曰吾代父上  
書不死客京師不死病道上不死遇綠林不死得從容牖  
下歸葬先人邱墓余願足矣汝勉自樹立率兩幼弟以克



家吾死猶不死也何雪涕爲厥配陳孺人側室李氏共生  
四男文炳文蔚文命文光孫男一墓在慈孝墩先塋之次  
昭穴享年四十七嗚呼君少年伏闕代父上書中年弭盜  
安母此其人不誠果毅丈夫哉倘使君職侍從必能請劍  
上方居邊徼必能請纓係虜奈何以郎官未試而卒也然  
所樹立已足不朽矣銘曰爲父伏闕志不懾義哉烈爲母  
却禦財不較仁哉孝烈無位孝無年吁嗟都事虞之村慈  
孝墩歸斯邱宜子孫

太原王穉登撰







明故鄉飲賓樂洋曹公墓誌銘

公姓曹氏諱一綱字汝政號樂洋左橋公圻之幼子也左

橋公家素饒嘉靖甲寅倭奴內訌爐其廬縣復與大役家

遂落析箸時田不盈畝頽屋數椽而已公興許孺人早夜

攻苦務期克振先業越數年家漸饒公伯仲雖異母而友

愛彌篤長兄寓安公以貼役遊燕薊大困而歸家徒壁立

公慰之曰弟幸敷餽粥忍兄獨枵腹乎約置田二頃與兄

分而有之丁亥大祲閭里之擁賁自雄者閉窖弗假貸獨

公以餘粟散人感公惠者甚眾乃報施不爽而業更隆隆



起矣後遂不復權子母貧不能償者悉燒其券焉公家政  
雍肅內外截然男就外傳女嫻母訓故長女之字李善祥  
者因生痘殤卽服纒茹素盡出奩具付諸火坐臥一小樓  
面刺貞烈二字以示不可奪郡邑大夫縉紳先生咸嘖嘖  
稱揚觀風使者相與交獎行且上聞錫旌章鐫諸女史與  
古共姜氏竝傳不朽矣然冰蘖自茹固貞女之性成亦公  
之內教有素也訓子以義方長君屹自樹立通仕版次君  
亦斌斌儒雅語及少年事每泣絮以艱苦不得以甘臚奉  
兩親爲恨性不善飲而喜人飲客至樽罍襍還噉吁臬雉



與亦不淺居恒恂恂言若不能出諸口一當是非利害處  
徐出片言糾紛立解小大事動合先民矩矱六十初度土  
大夫重公名行以賓筵舉公固辭弗克謂齒德如公不往  
則俎豆無色不得已一往御之弗再往也晚年益恬澹與  
閭右二三老結社讌會暇則與弟少成公圍棋賭勝子聲  
了了不休好佳山水常結伴爲雲巖慧嶺武夷句曲之遊  
盡探會稽天姥匡廬秣陵之勝生平古貌古心質言質行  
絕綺紈聲伎之好獨注心於倫常孝友之間眞鄉邦之典  
型三代之遺直也配許孺人邑之觀山甲族也父桐橋母



龐氏孺人穎敏而淑慎歸公蚤歲食貧孺人衣布素簪骨  
角機聲軋軋丙夜不休事二尊曲得其歡心自食粗糲而  
堂上鮮腆無或闕時以友愛爲公勉故公始力創僅有田  
三十畝以其半讓諸兄實孺人贊之也第勤劬過當遂致  
痺疾謂公曰余力憊甚不能爲君任拮据事矣盍納貳焉  
因納柳氏米鹽鎖鑰一以委之聽其出入若姊妹然孺人  
支離床褥者幾十年而柳調扶無怠念惟孺人有以感之  
也嗚呼不知其母視其女貞女之志凜冰霜爭光日月則  
母之貞靜可知也矧備諸懃範乎事舅姑孝處妯娌和小




星之戴鷄鳴之傲厥德無遺憾矣第於家力瘁劬襄而勿  
克享其逸於子恩勤鞠育而勿克俟其成豐而德嗇而壽  
如司命何哉公生於嘉靖辛丑十月四日卒於萬厯庚戌  
閏三月廿九日享壽七十孺人生於嘉靖甲辰九月十二  
日卒於萬厯辛卯五月二十日享年四十八子二希臯希  
亮孫男一曰凝希臯出公與孺人懿行指不勝屈今特舉  
其大者而稱道之謹誌

姪婿徐行頓首拜撰



致敵翁行



其大者而...

與...

...

...

...

...

...



明故鴻臚寺署丞鄉飲大賓涵白曹公墓誌銘

葬

公諱文炳字新之號涵白白少穎異有遠志父養成公以  
大器期之俞從冲雲高茂才遊得其枕秘同學莫不憚讓  
弱冠而養成公卒受遺命撫弱弟爲治室者再爲女弟治  
裝者三迫於綱漕轉餉入燕都者六拮据捋荼以故不得  
專攻帖括然好咏歌樂弦誦愛文學之士嘗就東園結茅  
疏沼種竹栽花良辰月夕知己過從命酒論詩動輒達旦  
公內行醇備尤敬崇根本族譜歲久不修公一手纂輯付  
之剞劂支分派別咸有條理祖祠廢墜公捐貲爲倡鳩工



庀材門堂寢室輪奐聿新以恩例授禮部史再授鴻臚丞  
拜恩祀祖外冠裳在笥弗敢御也邑侯馮公郡侯陳公嘉  
公懿行敦致賓筵公不得已強一赴勿再赴也配劉孺人  
琴瑟中離公敦古處勿繼也公生於萬厯辛巳卒於崇禎  
辛巳壽六十一配劉氏側李氏子五長翼武次步武接武  
次蘭次蕙孫男八先是公治塋於小焦山遷葬劉氏而以  
李祔焉其孤遵治命卜日合葬乞銘銘曰忠勤體國繼志  
承家守先裕後質寶無華蕉山之阡秀水明沙公也是室  
子孫其嘉寺署丞澹齋大寶齋白曹姪璣頓首拜撰



曹君惟宗誌銘

曹君諱惟宗字達元本澄江虞門之華胄也自高高祖一  
臣公因海賊猖獗避居於河庄高曾祖江公與兄洪公安  
居樂業常留散厚之風曾祖益衡公與三兄分析始卜宅  
於前小河大父文開公力創田園而家道隆焉至考民祥  
公則家產豐盈可稱殷戶矣茲欲銘君之梗槩故先誌君  
之世系如此云

銘曰生產殷富饒而不溢質行古心儉而不奢濟人之困  
調人之急如救水深如拯火熱貸穀賑饑券幾山積慨效



馮君市義於薛一朝焚之毅然不惜鄉里傳稱毫無德色  
君娶二妻貞靜純一誕育四男教養成立長曰元興溫恭  
朝夕次曰元舜純良不失三曰元敘忠厚淳直四曰元龍  
不尚文飾貽厥孫謀芝蘭滿室厥孫仁進向予縷述祖德  
及人恐久泯沒會族纂修附諸譜末懿行孔多殊難舉筆  
聊摘一端以例他節爲銘之年乾隆庚戌

南邨張揆敘拜撰



任遠公墓記

任遠公墓在秦望山中峯之北麓其地向陰形如鼠尾堪輿家所謂上嶺蛇也左右兩山合抱儼如人之侍立後百步而遠卽此山之中峯所爲秦望主山也仰面視之嶙峋高出雲表體勢尊嚴崗嵐秀媚而又中無頑石故滿壑松楸莓苔交遍眺覽之間頗覺蒼翠青潤可愛自半山中抽一線隱隱隆隆而下乃申浦殷氏祖墓也又下乃蘆崎史氏祖墓也而余任遠公之墓則在其尾焉觀山特立於前大河抱流於內每至春夏之交雲興霞蔚日月晦明一日



之間陰晴頓異湖蕩煙村沙鷗翔集蓋亦此地之一大觀也壙內共有三塚永立公禮穆穴侍於右永成公樂昭穴待於左蓋此山之塚叠叠相望又離居址甚遠余恐世遠年湮遊移莫據故敬誌之使後世子孫得有所考云中

道光二十三年癸卯

同嵐雲獻而火中無所不始者登外

世而靈昭此山故中峯與餘秦曾孫寰渥百拜謹識

與來視臨土嶺此古兩山合巽巖城人文特立

升靈公墓亦秦望山中峯之北麓其此向劍

升靈公墓



宋故江陰軍夫人繆氏墓誌銘

夫人繆氏維正曹公之元配也嗚呼自古后妃與世婦不廢蠶事今卿大夫家恥於蠶績而衣服都麗先王之制幾不講矣惟夫人年踰七十不廢蠶績諸婦效之以克有家可謂養生無憾矣長子之仲子確以銘屬予銘曰我言維服有政可思有生不能無養養有餘而禮義不治者無之確之起身惟慶之施

宋將仕郎守常州武進縣主簿葛良嗣撰







宋故曹君夫人任氏墓誌銘

夫人江陰任氏諱延熙之女適曹君復之于歸後家甚窘  
盡以嫁資授夫營治生業竟以贍足夫人性和順事親有  
孝譽歸復之卽移其所以事親者事舅姑族姻長幼無不  
協睦雖妾婢亦感其惠復之勉諸子姪讀書夫人力相之  
而姒子確登進士第歷國子監直講以文學高天下四方  
士人雲集賓客踵門無虛日夫人躬親執爨以待或告之  
曰夫人老矣何自苦若是夫人曰姒子能光大吾門烹飪  
之事正吾職耳奚憚爲時尙奢靡女子羅綺文繡珠琲犀



象一人之飾動以千百計獨夫人處豐而約衣再澣之衣  
雖敝勿斲是誠今之婦人女子之所難能者也元祐二年  
正月廿八日以疾卒享壽七十有四是年二月十五日與  
復之公合兆子孫同上余哀其子碩礎之請乃敘而銘之  
銘曰婉婉夫人罄無不淑克媿君子中外協睦惟難與穀  
且食且收嗚呼夫人逝也何尤昔事異故劫賊興也無不  
蓋以救資其夫嘗留主業冀以觀丹陽葛晉卿拜撰縣志  
夫人正劍升丑精誠烈之文嚴曹保獻之干  
宋趙曹保夫人丑丑墓誌銘



宋故曹夫人任氏墓誌銘

故國子監直講曹公諱確字公易之夫人曰任氏江陰允  
升公女也生而端重長而動合禮度公易既登進士聘夫  
人以歸孝舅姑和妯娌姑疾彌月奉湯藥目不交睫公易  
合石埭將委陰察屬官義不忍爲托疾辭歸數年夫人力  
主家事不擾以毫髮公易得餘閒經藪好學之士從遊日  
眾後起爲直講宗工鉅儒恐友之不服夫人隨其顯晦不  
形喜怒嫠居二十餘年教子有丸熊畫荻之風元符三年  
七月十九日終享年五十有八子一曰璞舉進士孫男三



人峴嶮岫璞以其年九月十九日與父合兆請銘於鼎鼎  
敘而銘之曰賢以相夫已實能之德以教子人誰儷之令  
聞令望中外稱之人其逝矣而又何悲夫人劉其

里人陳鼎撰

合不東...

人心...

共公...

如...

宋姑曹夫人升升墓誌







卷之三

人... 銘... 已... 聖...

與... 二十... 正月...

大... 翻... 密... 曾... 然... 得... 財... 木... 繼... 難... 難... 絲... 未... 合...


爭... 策... 純... 潔... 文... 外... 諸... 職... 黃... 山... 之... 氣... 斐... 晉... 刻... 宋... 丑... 于... 二... 典... 擬... 難...

墓... 誌... 國... 元... 辛... 二... 月... 二... 十... 八... 日... 卒... 享... 年... 五... 十... 有... 六... 以... 訖... 訖... 示...

無... 公... 人... 群... 糾... 葛... 前... 贊... 縣... 邑... 人... 氣... 以... 公... 省... 始... 書... 六... 字... 以... 歸... 諸...

始... 之... 結... 節... 勳... 並... 土... 舉... 不... 斷... 終... 願... 官... 為... 五... 壽... 大... 夫... 戰... 對... 寶... 文...

宋... 始... 燾... 之... 不... 墓... 誌... 論





宋故安人朱氏墓表

安人晉陵朱氏曹公諱碩之妻也曹氏家素貧安人勤女  
紅甘淡泊舅性嚴姑任氏謹以事夫安人竭力賓祭事舅  
無不當意姑婦相愛如母子也姑病彌年安人晝夜扶持  
至抱臥而歿於其手姑有鍾愛女嫠居饋遺不絕如姑無  
恙時以終其身奉議久遊塲屋喜賓客安人躬親庖膳鬻  
簪珥以濟其用奉議早世力教其子俾至於成人常勉子  
婦惟善是好泄童孺色必莊語奴婢辭必溫閨門化之大  
小雍和於宣和二年七月十九日卒疾革時盛暑整衣歛



容不亂而殞與奉議微之公合兆子三琪璪應進士舉璪  
朝奉郎前提點江州太平觀孫四人曾孫同上

宣和四年壬寅四月早世其子幹至欽

守開封府左司錄事林處撰

無不當意故錄其手故有脫受文楚

孫甘菊苗昆對繼故其子勤以事失

定人晉刻未刃曹公轄而之妻出曹

宋姑安人墓表



宋故安人朱氏墓誌銘

安人朱氏常州晉陵人曹公礎之原配也壽六十有七以  
紹興元年十月丁卯卒明年正月丙午與曹公合兆又四  
年諸孤求銘義不敢辭惟安人家故饒而天資閒淡不喜  
華紛歸曹氏家無擔石安人處之如素出奩資以相夫不  
十年而家道日豐而自奉與居約時不少異事舅姑盡孝  
友娣姒盡歡聞人貧乏必周恤之不倦士大夫車馬及門  
潤甫歛洽燕豆陳列咄嗟而辦潤甫之得交一時之賢公  
鉅卿內助之力也安人於女紅婦事至老不廢日不忘其



初也饋賓客奉祭祀晚而益勤曰此吾所以傳家不敢忽也豐儉樽節有常度不以窶而戚不以泰而肆子孫在旁恂恂惟謹能守其法安人之教則然也銘曰守約而好禮士咸重之居安而克勤天實成之施厚兮報豐其孰競之斲石兮播詞惟以聲之子孫詳前誌中

賜進士狀元及第左奉議郎直敷文閣洪興祖撰  
宋時安人  
墓誌論



宋故恭人葛氏墓誌銘

恭人姓葛氏名妙雲曾祖維甫吏部尙書祖密通議大夫  
父書紳不仕恭人之兄師仲與余同遊學校復同登第友  
善故聯姻時永嘉太夫人在堂諸兄嫂俱無恙恭人事姑  
以孝處眾以睦予宦遊二千里七年而歸恭人仰事俯育  
曲盡其道宣和中予爲楚州司錄以永嘉郡夫人年高爲  
憂恭人贊我乞祠歸侍遂得朝夕在側太夫人寢疾恭人  
奉飲食湯藥惟謹余少遭憫凶所恃惟母母氏旣歿視恭  
人爲賢友以巾幘而負丈夫志艱難無凌遽色寂寞無憊



粹容經理家事小大井井聞人有急惟恐援之不逮余方  
將杜門守拙其樂餘年而棊人逝矣子四長峴右宣教郎  
知宣州寧國縣次密左從事郎充湖州教授次岵右廸功  
郎婺州金華縣主簿次嶰出嗣長兄右廸功郎宣州金德  
縣主簿孫男女二十有二人恭人卒於紹興十八年八月  
七日享壽六十有三以明年三月乙丑葬於昭聞鄉啟山  
崇橋村之原未暇求當世之名文以表其墓姑爲之銘銘  
曰生爲我服其勞不與我均其逸尙期百年同居此穴夫



宋故曹母邢孺人墓誌銘

孺人姓邢氏爲曹君宗政之配壽八十有五溫惠幽閒始終如一其在室也言未嘗出於閫足未嘗踰於闕爲淑女

其有家也婉愉以事舅姑勤儉以相夫子爲賢婦孀居三十五年以冰蘖勵其志以義方訓其子中外秩然家人稱嚴君焉爲賢母備是三德人無間言綜理家政各有條理凡門外之事則委之諸子曰某事某任之門內之事則委之諸婦曰社某日醯也臘某日醢也已不勞而事亦治是故家日益裕田廬日益闢諸子諸婦無些窳者焉生永樂




戊戌二月六日卒宏治壬戌二月五日子四人曰楨曰祥  
曰禴曰禮孫九人德昌德美德清德馨德純德孚德溫德  
潤德修孫女十七人曾孫十三人堂封增墳壇圻墀墉壘  
坤垚塚垤曾孫女三人元孫一人壽考令終螽斯則百孺  
人亦可含笑於九泉矣卜以乙丑年己丑月辛丑日葬於  
北原先塋之次合於宗政公之兆謹爲之銘曰惟婦之職  
無攸遂無非無儀在中饋曰精五飭纂五齋大禧是承承  
大祭吁嗟時事一朝異中道銜槩良人逝公私蠅毛百責  
萃愴惶填兮躬是瘁扶顛扶危屬其植貽謀燕翼及後嗣




諸子幹蠱亦用譽既勤垣墉亦塗墍高郎介終錫爾類俾  
爾耆艾昌而熾勒銘貞石納幽隨垂裕後昆詔來世  
宏治乙丑冬十二月

薛章憲撰







太師乙丑冬十二月

蘇省文以所擬陳論真不感幽謝重徐鈔呈隨次呈

請于領... 蘇省文以所擬陳論真不感幽謝重徐鈔呈隨次呈



明故曹文肅公室人朱氏墓誌銘

孺人姓朱氏父廷玉母單氏世居利港爲舊族慎獨公爲  
其子文肅娶以爲婦孺人嬪於曹時尊長在堂慎獨公治  
家方嚴動必以禮孺人言未嘗出諸閫治甘旨外則務蠶  
績訓練甚能當舅姑意文肅君又博雅好交遊客至則陳  
觚竽出所藏古名畫器玩而閱之殆無虛日孺人爲之具  
饗煢治醪醴以娛賓無幾微倦懈意始孺人未有子文肅  
以從兄之子爲子曰祓旣而生子名禋旣又爲君置貳室  
生子曰祀孺人撫之均平如一不知其非已出諸子亦不




知其非孺人出也文肅君好閒雅不屑爲俗下事以外政  
委長子以內政委孺人日坐一小園蒔花栽竹校子史啜  
茗觀圖畫而已家事絕不介意而家日益饒產日益闢皆  
孺人綜理之也又能輟其贏餘以調一鄉之寒餒廢疾與  
貧不能葬且歛者斯亦世所難能矣年六十八而卒時宏  
治辛酉八月壬戌其子卜正德甲戌七月辛卯葬觀山從  
舅姑之兆子三人祓禋祀孫男四璫邑庠生次璧瑋珮憲  
章膏盲泉石夙與文肅君遊久承愛厚其子請銘銘曰以  
關雎之行相其夫實爲賢婦以鴈鳩之德化其子實爲賢



母享有滫瀡就謂不厚年踰艾者孰謂不壽夫復何咎  
正德九年甲戌孟秋

薛憲章撰









明故曹賓石室黃孺人墓誌銘

嗚呼余納交于曹君有年矣其孺人黃氏之賢一家稱之  
徧於一族一族稱之徧于一鄉內外大小無間言焉予固  
知其得於素教者深也孺人之父曰宗傑散仁講義其伯  
父宗成讀書好修廸之以古訓字書算數之學其歸于曹  
也舅樂清君治家嚴整有法希誠亦履繩蹈準動無過舉  
故孺人之事舅姑相夫子一以禮無惑乎內外大小稱之  
無間言也不幸僅四十有二一夕以微疾竟卒希誠哭之  
慟予往唁焉一家之人痛惜之徧于一族一鄉猶昔之稱



無異詞也婦人之德不外見其詳不可得聞也生也人譽  
之歿也人悼之如出一口則孺人之賢淑槩可見矣子二  
長珮次環成化七年五月二日生正德七年四月廿一日  
卒葬從其舅姑之兆墓在觀山孺人卒之歲十月希誠以  
銘見屬且曰吾婦於家政事無大小闔以內咸以一身任  
之幾二十年未嘗入余耳也故余得從諸君子後以聆其  
警歎而諸君子亦不鄙棄予者吾婦有以成之也而今已  
矣余憶與希誠遊最久造則相與討論墳典連日夜亶亶  
不得休茗椀殺核之供百爾辦給且內言不出於梱不賢




而能若是乎予何忍知而弗銘詞曰玉之瘞兮重泉珠之  
隕兮深淵沉孚尹兮厚地蠲伉儷兮所天已矣孺人胡不  
永年琢此銘詩琬琰是鑄以永其傳

正德七年壬申冬十月

薛憲章撰





Faint vertical text columns, likely bleed-through from the reverse side of the page. The characters are mostly illegible due to fading and ghosting.



宋故曹公子玉墓表

公諱琪字子玉故贈右光祿大夫碩之子也光祿困塲屋  
晚年澹然不屑世務故生計益落公娶朱氏有裝篋隨藉  
其資以供甘旨禮無遺者凡喪婚賓祭與弟之遊學所費  
皆取具焉生平輕財重義以其贏餘嫁娶族人之孤周恤  
親鄰之乏歲饑則爲粥以飼人初光祿卽世永嘉郡夫人  
婺居二紀有三子一女公其長也弟妹少孤撫存曲盡恩  
意朱孺人亦甚賢淑事上接下莫不輯睦故闔門百口相  
與事親怡怡無一問言則君之處身齊家可謂孝慈兼備



矣靖康元年閏十一月二日卒享年五十有七明年正月  
丙午葬於縣之昭聞鄉公甫莊之原子二嶼嶰子與嶰於  
紹興戊午冬被詔至行在朝夕周旋情甚洽誦言公之德  
義為尤詳余因敘之以表於墓

賜進士第左朝奉郎充兩浙東路安撫司楊英譔  
其資以... 甘... 無... 容... 其... 敬... 禮... 興... 策... 之... 進... 學... 以... 貴...  
... 於... 然... 不... 氣... 世... 深... 姑... 主... 信... 益... 壽... 公... 妻... 未... 及... 有... 楚... 翁... 謝... 謙...  
... 公... 壽... 無... 享... 千... 正... 姑... 韻... 古... 光... 輝... 大... 夫... 節... 之... 千... 出... 光... 輝... 因... 謝... 皇...  
... 水... 姑... 曹... 公... 子... 正... 墓... 志...



宋故誥封朝奉大夫勅贈金紫光祿大夫壽山曹公阡表  
公既卒之五十三年曾孫址尙魏郡長公主國家推恩三  
代勅贈公爲金紫光祿大夫夫人陳氏爲平江郡夫人焚  
黃祭告爰伐石表公之阡按公諱檜字彥材姓曹氏壽山  
其號也曾祖礪隱德不仕曾叔祖確國子監直講祖瑗以  
孝稱叔祖璉江陰開國男父岷母吳好施不倦公生而沉  
靜愷悌慈祥饒於貲積而能散鄉里稱爲善人前以子溱  
覃恩誥封朝奉大夫陳封恭人後改贈今號先正歐陽文  
忠有言爲善無不報而遲速有時維公勤施未食厥報爰




及曾孫改封榮號文忠之言不誠然哉

寶祐元年春二月

左丞相謝方叔撰

敕封金紫光祿大夫前寶謨閣直學士左朝散太夫永康

郡伯孫男鏞立石



黃禁書... 外... 公... 大姑... 正十三... 會... 孫... 儀... 正... 堂... 宗... 族... 二...



宋故寶謨閣直學士左朝散大夫賜緋衣銀魚勅封金紫  
光祿大夫永康郡伯敕贈榮國公東湖曹公墓表

寶祐三年二月十六日公以疾薨於臨安賜第

上聞震悼輟朝三日遣中使臣甯光護喪事命工部員外  
郎臣珂諭祭葬嗣子駙馬都尉址以其年十月二十日奉  
柩歸葬於江陰軍之虞門伐石表於墓隨按公諱鏞字國  
珍姓曹氏父溱福建市舶提舉司封左朝散大夫公生而  
穎異讀書過目成誦爲文操紙筆立就隧父寓居臨安年  
十七由太學舉紹興進士授婺源簿改興國軍教授遷永



州零陵令嘉泰中召爲秘書少監遷中書舍人以才猷充  
江淮宣撫判官權知揚州府事進寶謨閣直學士尋權知  
建康府事賜緋衣銀魚旋以親老丐終養以左朝散大夫  
永康郡伯致仕爲政寬簡不苛有古大臣風所至以惠稱  
以子址尙魏郡長公主敕封公爲金紫光祿大夫進爵榮  
國公祖父皆如公爵夫人繆氏進號永康郡夫人賜公蟒  
衣玉帶闈娥四人綵幣百端廐馬四乘臨安甲第一區東  
湖田三十頃公之號東湖榮君賜也公自祖父以來世有  
隱德至公而克篤之少登甲科敷歷中外垂四十年有惠




於人功業未充以養親致仕晚以國戚寵晝日三接生榮  
死哀易曰積善之家必有餘慶斯之謂矣

寶祐三年冬十月

右丞相兼樞密使董槐撰







Faint vertical text columns, likely bleed-through from the reverse side of the page. The characters are mostly illegible due to fading and ghosting.



明故慎獨處士觀山新阡表

虞門曹文肅恭嘗葬其考慎獨公於先塋之側後十年母  
吳孺人卒欲爲處士祔以墓次不敘乃筮觀山之陰而別  
塋之啟處士木與孺人合藏文肅緘處士狀屬予曰恭事  
觀山新阡聊且畢封土子在至戚請表之以垂於後予矜  
孝子心乃爲濡墨按處士姓曹氏諱高字允升氣英貌雋  
胸次軒爽性至孝年十三父虐沒悲憤不能養終身語及  
輒號慟事母馮孺人益誠敬飲食起居罔不承順祖禱翁  
嘗爲邑長典區西南鄉賦處士代翁執籌墨出納甚謹翁



爲讐吏誣獄客死白下城處士寃號匍匐昇輦風棘虞及  
窆埋悉合禮無間後岐疢薦薨家故中落處士奮激克厲  
肆志讀書諱索義理他如農圃醫卜水利算數刑名羣集  
亦各繙玩發明竭力蓄畚耨耕稼孺人吳氏躬桑蠶績夜以  
繼日積二十年舊業復振平居以敬自持冠裳整肅雖燕  
閒不少放佚以愼獨自標故教子令習禮文謂曰外不整  
齊中不專一語他子弟亦必以是告之及其終也不迷亂  
沐浴罷而易簀寶天順辛巳六月十日距生永樂丙申四  
月十五享年四十有六孺人諱妙祥淑慎有德後公十年



爲成化辛卯卒子一卽恭以孺人之卒年十二月朔合兆  
於觀山之新阡夫觀山爲郡邑名山秀而靈也慎獨生而  
英雋才與德迥出時輩人之傑也以人傑而耐山靈則其  
爲靈者不虛以山靈而友人傑則其爲人者不泯山于曹  
氏固巘巘萃崔益爲人仰高而曹氏因山而受蔭代生吉  
人而文肅之所爲遷與合者亦可爲孝子葬親之法矣余  
故表之

成化七年歲次辛未卯冬十二月


賜進士第河南道監察御史李琨撰



觀世主後所南直臨深備與李開端

與世主手書

與齊之



人面又龍之洞欲登與合善衣下欲季子張應之甚矣余

况因難難卒嶺益益人此高而曹况因山而受難非非吉

然靈香不盡其由靈而丈人樂其為人者不其山于曹

矣情本與難難出制輩人之難出以人樂而懶出難阻其

與勝山之濼刊夫踏山為麻也谷山香而靈出難阻其

與與外辛與卒于一唱恭以難人之卒乎十二民則合與



明故鄉飲大賓樂清曹公墓表

從來風俗散靡而不流於澆薄者必類有老成厚重之士  
敦倫紀飭衣冠說詩書崇禮讓樹之儀型俾後生小子日  
濡月染以生其愛敬之心革其澆漓之習此老成典型所  
以爲重也虞門樂清曹君家本世胄父允升公讀書好古  
有得於朱子主敬之義因以慎獨自號迨生樂清甫受書  
卽戒之曰外不整齊卽內不專一故名樂清曰恭字以文  
肅蓋所以祈之者誠得乎古聖賢義方之訓大遠乎世俗  
功利之謀矣公上承父志內外修整視形聽聲無不合禮



後爲父營兆域於觀山而築室於兆前額其堂曰崇孝以誌終身之慕念族譜未修與從叔桂岩雪谿共加纂輯以篤宗盟有叔無後嗣他姓子不省破其業君且周之他姓子死君爲之殯時嬖母尙在迎膳於家勿少懈宏治己酉歲饑公輸粟助賑朝廷嘉其義錫以章服公曰吾憫人之饑耳豈爲卜式哉因闢地爲園壘石爲山構結亭館雜蒔花木命曰東園佳趣顏其軒曰樂清日菽經史於其中時與賢士大夫討論古今覽閱圖畫啣觴賦詩以爲樂迨年益高德益邵縣尹下車舉鄉飲之禮訪求年高有德可當



賓位者士庶咸以公對令核之無踰公者時邑令黃公傳  
涂公楨劉公絃三度禮請書版有碩德懃行作則鄉邦逸  
致高風增輝林壑之語公屢辭請益力不得已造焉公襟  
度灑落長軀美髯指讓雍容衣冠甚偉園橋觀者數萬人  
莫不嘖嘖稱羨謂公之德洵有光于大典也正德丁卯二  
月五日以疾卒公生正統丙辰九月十二日享壽七十有  
二配朱氏有樛木之德子三祓禮祀孫男八人璫邑庠生  
瓊璧瑋珮環祓之子珮禮之子珏祀之子孤子將以卒之  
又明年己巳耐於觀山先塋之次請銘於余余交公有年



宗老羣從賢而邁者咸樂從之遊離逝未久既表雪谿翁  
墓又表桂岩君墓今又表君之墓數年之間故鄉之老成  
凋謝甚矣後生小子其尙覩此表而生敬慕之心哉

正德四年歲次己巳五月廿二日

賜進士出身奉直大夫兵部員外郎姻生張簡撰

表

表

表

表



明故太醫守成曹公行狀  
嗚呼守成公爲余中表叔姪而最傑出者也余長公十年  
相見歡甚嘗謂黃髮娑娑同期上壽余逾髦而公方稱耄  
矣容與邱園若不知桑榆之漸晚清秋月夕期挈桂漿訪  
君於桂樹之下孰意纍纍諸子縵經向予泣拜而懇狀於  
予也余髦矣無能從事於文墨矣然以知公故不得辭也  
公諱填字鳴甫號守成姓曹氏九世祖址宋駙馬都尉駙  
馬六世孫爲慨慨生禮禮生德修君之考也甫能言岐嶷  
不羣及受書塾師訓以孝弟忠信之事若欣欣有得者雲



東山先生集卷三  
文淵閣  
洲公以良樸著聞邑有同名爲司臺所糾者下縣逮治悞  
指雲洲捕者踵至公以父生長不躡公庭懼懼不測遂匿  
父而以身代事旣白雲洲公益喜謂吾兒大有爲於當世  
遂以家事付之時公年十六耳家世以大父爲糧長上計  
京師公遂疎咕嚙出入城府奔走燕都戴風霜躡雨雪往  
來七千里者十餘度而里甲無累而公賦罔虧會穆宗  
御極恩賚天下糧長之有功者乃奉例授太醫院吏目焉  
性孝友嘗痛母氏之歿值倭變雲洲公方急於禦侮窳窳  
事未能盡禮每忌辰時薦往往泣下沾衣迨雲洲公之喪



禮悉從厚公獨任之不以煩昆季也與人交然諾不侵動  
必引義自少年至垂白與胥吏相晉接咸敬憚公不忍欺  
也胸中夷坦不臧否時流不趨炎赫惟拯顛危周貧窶孜  
孜不倦於是遐邇咸稱公爲善人邑令庠城劉公首加推  
獎敦致賓筵凡十餘次歸安錢公下車徵求善士首以公  
之行書於旌善亭江邑歲祲殍夫盈野成寰林公勸民出  
粟公始開倉倡義而出粟者以夥飢民護濟六月中忽得  
脾疾或起或臥自謂老人若此恐不久人世悉召所親知  
預爲永訣至八月病殆乃命日者擇良日呼諸兒具沐浴



加衣冠陳歛具曰吾得歸極樂矣且誠曰毋以哭聲亂我  
 使我得冷然逝也俄而氣絕嗚呼若公之孝不遺親忠不  
 後君惠及鄉邑福壽考終不可無華文以賁幽壤惟大夫  
 君子諒余之衰耗而博採錄焉公生於正德庚午十二月  
 十八日卒於萬曆己丑八月九日享壽八十歲配張氏子  
 四人孫八人曾孫一人之孝等謹述是年十月廿三日丁  
 酉葬公於虞門慈孝墩之新阡云赫赫烈烈於國貧窶於  
 萬曆十七年歲次己丑冬十月

文林郎雲南大理府推官姻生吳宗徽撰



明故戶部郎中晴峯公行狀  
曹公諱察字明卿號晴峯舜欽季父樂靜處士諱茲之長  
女婿也以詩學起家進士出宰邵武入爲戶曹郎稍遷汀州  
知府無何復以戶曹報罷家居十有四年年六十以疾卒  
嘉靖戊午十月十九日也其子徵文徵獻徵民奉其繼母  
蔡安人命卜以卒之又明年三月十六日葬公於黃塘新  
阡合吾妹華安人兆圖所以垂不朽者乃手疏行實屬余  
撰述爲之狀丐名言於文章鉅公舜欽與公生同辰于公  
之配兄弟爲同堂同遊黌校者逾十年已公擢第余稍後



乃不及同事於朝親睹公之所以效用者晚休林下則歲時恆亦胥會每見公細論往昔敷歷施設縱橫揮霍鑿鑿不苟余亦聽之忘倦未嘗不俛首心服其才茲狀也安得辭也徵獻所疏行實累千百言其詞哀其情良苦又安敢辭之也爰據其所疏及所嘗聞於公者稍爲詮次俟知者採焉曹之先揚之泰興人有雲軒翁諱華者仕宋爲晉陵簿因家晉陵華子興興子琥徙無錫之泰伯鄉泰伯之有曹也由雲軒之家晉陵始也故曹祖雲軒云公之曾祖曰遺安翁昞祖曰慕慈翁闇世隱德弗耀父曰符號岷齋以



公貴封承德郎戶部主事母鄒氏封安人舉四子公于行  
居三幼多疾九年始就外傳聰明意氣已露鋒穎時伯兄  
濟陽令九峯寅方習舉子業公少之數歲不以少自恧也  
問從其師試習焉師大驚曰此曹氏麒麟也必克宗遂偕  
兄授舉子業矣年十七遊邑庠卽有聲值家中落戶部命  
其諸子力田以自給公且耕且讀不少妨廢吾妹固勸之  
公遂棄耕而專於讀書夜淬勵如是者三年學益邃以成  
嘉靖戊子領鄉薦己丑連得進士第觀政刑部靈寶松臯  
許公爲尙書深知之會風憲員缺兩牒其名於銓部弗果



選竟以資除邵武大學士張文忠公永嘉人也喟永嘉久  
乏良牧擬調公公謝之趨之任始下車慮民俗之不相通也  
禮聘耆民四人咨以當因革者月朔望延見之俾盡言半  
月間所行政治得失四人者亦能成公之志成讜言無諱  
深見裨益邑士人鮮學問科第久湮建崇賢書院擇兩庠  
之彥羣習其中而躬自程之城郭之間各興社學一皆文  
教彬彬盛矣其俗尙巫男女無別重左道之禁而妖僧成  
朗輩卒服其辜其人負氣輕生多服毒就死公令服毒者  
究其所親三年竟無服毒者斷死刑每出人意見之外而



囚咸歎服隸卒有犯務繩以法縣附府治府隸卒有犯輒  
繫治之爲府者毋飭其下曰毋爲民殃縱吾不汝知或汝  
貨縣官必汝知不汝貸也政平訟理治行恒最閩中守巡  
入境不踰日輒行曰有賢尹在吾何庸久居此他如省驛  
傳之費平徭役之法錢糧甲兌轉輸之額旱熯祈求雨澤  
之應蓋公於吏事極爲苦心故種種超異云其守官尤清  
素甲午冬應朝覲過家行李肅如也邑侯海亭鄭公念其  
無以爲資贈之金若干謝曰罔非民財使某欲取之於鄉  
父何如取之官乎卻不受未至京擢戶部福建司主事益



恭厥職尚書金陵儉菴梁公于所屬首賢公亟稱于當道儀封浚川王公時掌院事實心識焉上疏乞于部屬中簡調以補御史員缺議及公梁公愕曰此官又欲別用之耶由是不果調然賢名日益起矣奉勅監稅浙西軍民胥悅許公既爲吏戶將大用之旋遭內艱亦不果歲己亥當京考之期有蜚語及公給諫薛某者蓋閩人昌言於眾曰吾不識曹之爲人而知其爲治若所聞証也事遂寢服闋再任戶部進員外郎尋陞郎中掌山西司事受職未三日猝寇山西軍興告乏眾謂公禍不測悉心籌畫奏發老庫之



藏及飛輓京儲爲接濟計邊餉以充寇隨遁去言官上備  
邊十有八事下司議公考舊制酌時宜而附以已臆多官  
集闕下率稱善題請竟得俞旨國朝例逋賦五載一查然  
皆供內帑之用至是疏以濟邊以東南寡且貧以免西北  
之傷殘無發內帑之名而有發內帑之實公之權宜不可  
少也出守汀州汀民歡迎如得父母蓋汀邵皆閩屬聞之  
有素云公亦以治邵者治汀上下安之未幾溪南蠻反公  
慨然歎曰豈吾父母之德不足以懷柔而安輯之耶雖然  
聖明神武之世安所容此羽書星馳誓必殄滅因懸重賞



購賊首而又寬脅從者之治使得自相擒戮不數日繫其渠魁黨羽解散溪南蕩平相傳溪南賊亘連三省盤踞險要究所從來邈矣餘姚陽明王公用之以攻思田姑置弗討中間叛服靡常蓋南荒一巨疣也是役也不費斗糧不煩寸兵而芟除靡有遺孽吁亦偉矣軍門大其功欲上之公謝不敏時甲辰冬事也越明年乙巳三月復當京考之期則仍以戶部落職云公爲人尙氣機自植標格不類恒品遇事敢當其難而爲之必要其成雖嫌露才弗計也其不究于用或以此然遺愛有詞去思怳怳迄今不泯公之



所得亦豈少哉既家居乃曰事親教子力田養生四者足以畢吾志矣時戶部壽踰耄諸子皆先卒獨公奉之先意承志極娛養之樂比病且歿湯藥左右侍床第三年未嘗一日離也至于涖廳事終其身侍坐若有見乎其位者課其子以學課其家力以耕罔敢暇逸其保身尤明確嘗曰君子愛其身以有爲也吾安不自愛卒之前一月居室燬正寢亦燬處之恬然惟以身免爲幸餘不問也疾既革起整襟坐謂諸子曰人孰無死死欲正耳此間無正寢其徙我於唐庄之別業題墓當曰明大夫戶部郎中諸子奉惟



謹扶而徙之至唐庄甫就正寢乃卒其不亂如此公性友  
愛兄弟之後若干人其持門戶盡力庇之而不使乏姊之  
已嫁者之孫太子太保尙書謚端敏鳳山公之曾孫也徵  
獻出忠孫聘吾兒縣學弟子員啟中女徵民出孫女六人  
一適庠生馬惟德一字庠生朱習庵一字英德知縣吳懷  
棠一字太學生吳敬陽一字太學生吳閭峯一字庠生黃  
龍洲己未四月謹狀

溪華舜欽撰



明禮部儒士涵赤曹公行狀  
公諱文獻字志賢號涵赤姓曹氏江陰虞里人也父一魁  
號少成生子三而公居季少讀書必求講解及長從晉陵  
吳毅菴先生遊習制藝謹嚴有體毅菴雅愛之性倜儻長  
於幹濟家世掌漕綱諸務冗雜又遠近客至戶履常滿伯  
兄既歿仲又羸弱父少成日不暇給公挺身佐理咸得其  
度父喪舉殯四方名士縉紳來會葬者數百人焉運漕赴  
京往還凡七度同事迫以應試奉大宗伯首拔授儒士冠  
帶例得受官職公辭勿就也篤於親誼周氏姊寡而貧公




迎養之并給諸甥費以田二十畝供岳母張膳從嫂周婺  
居四十載月以廩給之與從弟涵白捐貲建祠每月朔日  
必合宗人拜於堦下而訓誨之公雖棄舉業然博學好古  
積書幾及萬卷構書屋植名花疊石作湖山小景旦晝治  
事夜則篝燈縱觀手自甲乙硃墨陸離夜分不倦客至則  
煮茗把酒縱說古今上下數千年娓娓達旦延名師訓諸  
子常手一編相問難招邑中之俊少者與其學悉廩食之  
蓋公之大致如此公生于萬曆辛巳卒於順治丁酉四月  
十二日享壽七十有七配張孺人明彰婦道後公一年生




先公四日卒子四曰英曰夢魁邑庠生日芬曰萊孫男十  
人卜於後三年庚子十月丁未祔葬於少成公之穆穴  
順治十七年歲次庚子冬十月

姪璣謹識







Faint vertical columns of text, likely bleed-through from the reverse side of the page. The characters are mostly illegible due to fading and ghosting.



叔父叔芬公叔母郭孺人行畧

公諱芬字叔芬吾祖涵赤公之第三子自少業儒爲文學  
弟子員坦率無畦畛篤於孝友御子侄曲盡恩意平居諳  
謹遇大節則侃侃不撓有古先民風焉配郭孺人明敏有  
才叔卒時兩男三女俱幼踐更繁重俯仰交迫孀母早夜  
紡織上事兩尊人下撫五弱息處憂戚而能以靜鎮之十  
年之間清國稅嫁三女爲子聘室而遺業不墜孀之力也  
叔卒於順治壬辰九月初十日享年四十有五叔母卒於  
順治辛丑八月二十一日享年五十有五合兆葬於黃村




祖墳左昭之第三穴子二位偶五十五

...

姪麟

化謹誌



...

...

...

...

...

...

...



明故郡庠生闕禧公行畧

公諱燧字淵之號開禧虛白公子也公生而穎敏讀書過目不忘博學能文年甫冠遊郡庠時居廡下入孝出弟言行純篤恒往來於武邑萬宦岳家一時之名卿鉅公賢師益友盡與之遊敦詩書崇禮讓睦倫飭紀襟懷豪邁尤志存忠義嘗作救時策反覆數千言欲上會權貴沮之不果時值江濱寇起虞門地近大江盜多哨聚出沒鄉民恐怖公悉出家貲練鄉兵謹偵伺盜不敢逼一鄉賴以保全鼎革時慟哭題詩有愧未致身匡國難只有捐軀報聖恩之



句遂率鄉兵次倉墩遇大軍迎戰鄉兵潰公奮然曰此吾  
授命之日也復舉刃人呼連擊殺數十人身被重創而歿  
公生於萬曆四十年壬子六月八日卒於順治二年乙酉  
享年三十有四葬虞門村之西北新阡昭穴配萬孺人山  
西大同府靈邱縣知縣萬公之女子二長曰奎次曰璧璣  
舉公爲叔姪幼同學長同遊故知公之深而悲公之忠勇  
而爲之誌學詣文平甫取遺稿執事部錄錄不入卷出後言

公萬璣字鼎文號開齋諱白公千出姪璣頓首謹識書並

附記全開齋公行畧



舊譜修至二十二世而止覲之曾祖開禧公係二十

三世宗譜未及修錄其生平懃行淹沒不彰卽如殉

難一事忠勇絕人尤不可泯者故 國朝乾隆八年

邑令蔡公名澍重修縣誌覲從事採訪慨祖先之未

載入誌者頗多卽駙馬公址不解何以遺失因將先

世誌記抄呈懇請當事暨曾祖開禧公燧俱補入邑

乘亦後人褒揚祖功宗德之一道也今又思族譜廢

墜因遍搜舊譜得二十世祖名禔者手錄宗譜遺藁

覲遂得重加參訂抄錄并得吾曾祖之行畧不勝慷







邑庠生續三府君行述

嗚呼不肖痛先府君之苦畢生無以慰其志也府君生七

歲而失所恃年十四又失所怙與伯祖母陳孺人相依爲  
生伯祖母少寡生叔啟祚早歿兩家所存竹房三間田八  
分時族玉馨公延武邑鄭子罕先生授教府君故貧鬻竹  
房一間走附其家得受業二載年十六家徒壁立依姑母  
俞訓蒙度日數載後因陳祖母零丁虞缺甘旨不敢遠離  
還家訓同族子弟焉年二十八娶吾母張孺人無出年三  
十六進邑庠因乏嗣娶生母顧氏始生不肖時年已四十



二歲矣其事伯祖母陳孺人也伯祖母嘗曰曹氏兩世在子惟汝在婦惟吾數十年來相依爲命色養懽然無間寒暑及病亟在床二十七月府君親侍湯藥滌褻器伯祖母八十一歲終府君哀毀骨立喪葬成禮吾之族舊有宗祠也族有健訟者將祠中公項蕩廢一空府君於三十二歲時起立議規通族捐錢六十千文五分公借起息至乾隆五十年餘利一千餘千虞門通族六百餘家人千餘丁其冬至領祭費輪流當祭人飲祭福之外每人給錢四十文俾使人人沾祖宗之惠焉乾隆五十八年始建祠內第三



進房屋五間側廂六間穿堂一路統計錢九百餘千文餘  
錢依舊存放乾隆五十年歲大祲民有饑色邑侯吳公廉  
得吾府君端方舉鄉約勸捐賑濟鄉人賴以全活嘉慶四  
年重修族譜主其事閱半載告成其平居在家也或族中  
有相爭者必力爲勸解適有賠費皆所不論推之鄉人無  
不盡然要在平物息爭而已一生以硯田爲業非公事無  
片紙入公門館穀之外分毫不取然創得瓦房十間田產  
十畝一生苦志思欲報効祖宗下鄉闡十五次嘉慶丁卯  
應試金陵抱病歸至九月二十九日竟棄

不肖

等而長逝




時年七十有九嗚呼無以慰府君之苦又忍忘府君之志

也爰涕泣而識之

不肖男

應虎

泣血百拜謹識



... 不蓋然... 官... 承... 昔... 益... 遊...



先母張孺人行略

嗚呼不孝薦遭大戾先太醫擲不孝等不數歲復啣栳捲  
之痛恨無涯矣哀哀苦塊間五內盡裂尙堪狀吾母哉第  
伏痛吾母之賢不能少留其實其不孝尤甚焉因披淚濡  
血次略如左吾母張姓出唐曲江公後從南宋徙于蘭陵  
紹興壬子九成公大魁天下簪笏蟬聯傳至修己公締絡  
卽余外王父也外王母耿舉吾母端潔閒靜於女誠女教  
女紅不督而神解余大父雲洲翁聞其賢謂大母金孺人  
曰諸子惟仲也才欲擇婦莫張公女善遂令蹇修爲禮作



合焉母入門甫饋而翁姑交賀喜得賢婦矣時家業中落  
母竊憂之撒綺飾服荆布繼膏晷勤絲枲佐吾先太醫恢  
拓世業復藹然允當舅姑心大父母益大喜謂若子若婦  
我兩人可樂餘年矣因一切伏臘燕享悉腆責仲婦了不  
櫻諸娣姒吾母委曲具辦務洽二尊懽至析產掄豐腴爽  
塏者畀諸父荒頓湫隘朽敗者畀吾父吾父異而存之吾  
母從容問曰大人豈故劣君乃恤伯叔季氏不爾爾則不  
能自給異日脫弗支君必不忍視其遺落必將出直以資  
歲月厚與之正以成君孝友聲君無惑焉太醫聞之爲之



塋然先太醫痛母氏之亡值倭變喪葬就簡每懷輒流涕  
故凡忌辰時祭弗闕諸父先太醫獨力承之吾母襄祀事  
酒醴殺核罔不敬恪如禮是則易戚兩到固吾先太醫之  
仁孝亦賴吾母之紀綱盡瘁而致然也尋致先太醫孝友  
旌揚賓筵屢尚章服以榮何莫非相劇相切以成哉比先  
太醫逝母年亦髦自謂夕暉朝露毀不欲生先君執母手  
曰有偕老無偕死母在父爲不亡無重二子憂母因戀戀  
於不孝等以至今日也母向無恙距歲暮盜來侵時奉母  
寢樓中盜苦堅壁縱火力攻更聲嚇無噍類語母懼叵測



挺啟戶使相見謂諸君利吾財耳毀何庸盜夙風聖善各  
相戒勿驚老孺人然卒以驚淹床褥不孝等亟謀避城調  
護少瘳胡伯兄溘焉背去慟莫可解遂不復起嗚呼痛忍  
言耶丞訣之夕少長環立問遺訓母止之曰毋泣人間世  
八十六季而復有望乎第爾曹男子期卓立光我門戶女  
子佩教戒宜爾室家是願也言訖乃逝爲萬厯丁酉秋臘  
生以正德壬申仲冬朔太醫院翁諱填號守成先八年卒  
子四一孝冠帶耆士先母五年卒一悌一魁一解孫男十  
一人文希文學文舉文燧俱孝出文聘文謨文獻俱魁出




文炳文蔚文命文光俱解出孫女八人曾孫男二人曾孫  
女二人謹卜九月廿三日合太醫翁兆於慈孝墩之新阡  
嗚呼痛惟母而子也於父母稱孝既而母也累母者何限  
孝母者何有母而婦也於舅姑稱孝既而姑也累姑者何  
限孝姑者何有且爲諸子治脯脰和熊丸早夜望諸子孺  
諸子卒莫慰母心不孝方圖斗祿爲母壽胡彼蒼不憖而  
急奪之使烏鳥終啣風木悲嗚呼痛忍言哉痛忍言哉

不孝男一解泣血百拜謹述



上  
三  
三  
三  
三

文





節母嚴孺人誄

時維

雍正十年壬子二月十七日族嬪節母嚴氏壽終宗黨咸稱不可無言以垂家乘謹嚴拜手而作之

余讀史及

古今百家書每見忠孝節義之事輒默然有思廢書而歎蓋以忠臣義士炳炫一時史冊自無不載而著書立說者咸樂得而稱道之但彼入諸子百家者賴皆有力之家耳其勢處式微卽有子有孫若迫于饑寒方竭蹶艱辛之不暇奚暇請託以列青史且向巨公名士乞筆墨乎則從來



之苦節真孝不事求知以湮沒者不知幾何矣今 聖天子以孝治天下定 皇太后祔廟之典詔天下節婦凡守節三十年以上者許廩增附生具呈州縣彙報三院具題並 賜國帑建坊旌獎則自宜薄海無遺矣而式微之家斷難徒手科跣以請呈報而泮宮諸生又何能徧歷窮鄉茆蔀以修索幽隱哉余於是益感窮簷苦節遇此曠典而不得均沾浩蕩之恩爲慨歎也嗚呼哀哉族嬪嚴氏幼爲族叔上律聘室既而上律成痼疾湯藥無人兩尊人命成婚實嬪二十一歲之九月也奩資頗厚罄廢于醫藥事病



十有五月貲盡而病亦辭世矣服闋後偶歸寧父母憐其  
貧隱謀嫁微覺之猝舟以歸無何姑病發晨夕侍奉不少  
怠翁嘗語人曰微賢婦則姑不能旦暮延也自此艱難孤  
苦中凡家祠墳墓祭祀歲時伏臘公事無闕失及兩尊人  
大喪勉力悉遵禮制無餘憾厯二十年至四十二久欲嗣  
子而難其人惟長姪繪謹厚誠懇意欲嗣爲子先于二年  
前出針指積爲繪聘婦孫氏至是繪年十六告諸同門而  
以爲嗣向祖遺租四石四斗雖極窘迫不棄升斗付嗣子  
耕種四十九大病幾危繪竭力侍奉醫藥得痊明年爲繪



完婚年餘而抱孫焉五十三與仲氏共襄大殯安葬翁姑  
於祖塋而上律亦耐焉次年又舉一孫以爲十三餘年苦  
志庶幾成家矣豈期娶婦六載而婦亡次孫又殤至長孫  
謙年十九娶孫媳顧氏方四月而謙又亡傷如之何天不  
可問越三期顧氏又傷感成疾以致夭亡乃更圖爲繪續  
娶爲宗祧計繪泣曰兒應有子何二十年丈夫子而遽天  
倘再娶而仍無子或後婦未必賢反傷吾母心其奈何兒  
當子兼婦事以事母母悲曰我誤汝我誤汝遂從之而繪  
耕所遺田每耕耘之暇更藉手足之烈以奉母菽水四十



年如一日今春壽八十勉會宗黨稱觴不意二月十七日  
以微疾壽終後事悉預備繪哀毀骨立幾至滅性今且卜  
三月二十四日而合葬如繪者誠宗族鄉黨所共稱者歟  
嬪氏素性謹嚴聲不出戶同門伯叔輩素不聞言笑二姪  
進拜無不諳諳訓誨故凡老幼上下無不畏敬焉前奉  
恩詔呈報旌獎時繪聞知喜躍卽欲竭力請託以求母節  
備名鉅典母命曰古人云言身之文也守節分內事焉用  
文之且薄命之人不願以六十年未亡之身上費國帑建  
坊爲榮噫是節母而兼古隱君子之德矣爰爲誄曰



天姥峯頽夫人城圯高潔霜娥孤清月姊千古女宗一家  
女史已赴仙逝天墉宮裏鴻案相莊惟舉湯藥奩空夫死  
孤鐙夜壑嗣子娶婦抱孫聯萼婦棄井曰孫失鎖鑰人之  
云亡天心不若實命不尤惟家之索猶子爲嗣獨侍北堂  
子疲風雨逝凜冰霜壽躋八旬會族稱觴溘焉以逝去此  
滄桑哀哀孤子抱痛無疆五十而慕山高水長道追艱苦  
漭漭泱泱閱六十載地老天荒惟茲節母與孝子闈  
德之幽光

族姪巖頓首拜撰



